






14

12-16-h-17









2

DE VVLNERIBVS

à Bellico Fulmine illatis,

TRACTATVS

AD SERENISSIMVM

ALPHONSV M

ESTENSEM II.

Ferrariæ &c. Ducem.

AVCTORE HYPPOLITO BOSCHO

Ferrariensi Philosopho, ac Medico, & in almo

Ferrariensi Gymnasio publico Lectore,

atque Ducali Chyrurgo.



FERRARIÆ,

Excudebat Victorius Baldinus, Typographus Ducalis.

M. D. XCVI.

Dom. Probat. Rom. Schol. Piar.
ex P. Ildefonso.

DE VALNERIBVS

à Bellico Fulmine illatis,

TRACTATVS

AD SERENISSIMVM

ALPHONSV M

ESTENSEM II.

Fertariz &c. Ducem.

AVCTOR HYPOLITO BOSCHIO

Præsentis Phil. Cæsar. ac Medico, & in alijs

scriptis ejusmodi publico Lectore,

ejus Ducem designo.



LEONARDVS

LEONARDVS AVCTOR HYPOLITO BOSCHIO

M. D. XCIV

Serenissimo Principi
ALFONSO ESTENSI II.
FERRARIAE ETC. DVCI,
Domino ac Patrono Colendiss.




HYPPOLITVS BOSCHVS eius Celsitudinis
Chyrurgus P. F. O.



DELPHIS olim Dux S^E
RENISSIME, sententiam hanc
in magno Apollinis templo au-
reis litteris insculptam fuisse
memoria proditum est. *ἡ δὲ ταύτη*
ut omnes homines anima sua
dotes perpenderent, atque metirentur. Hanc
profecto sententiam dum multum, diuque mente
reuoluo, ita exiguam ingenij mei aciem esse agno-
sco, ut onus satis meis viribus impar mihi sub-
ire videar, cum CELSITVDINEM tuam SE-
RENISSIMAM his studiorum meorum primitijs
audeo interpellare. Verum enimvero dum CEL-
SITVDINIS tuae Clementissima humanitatem

erga omnes perpendo, & præsertim illam, qua
in patrem meum tuum primarium Chyrurgum
usus es, recolo: paucula hæc à me in quotidiana
praxi observata circa vulnerum illorum curam,
qua pila ex fulmine bellico emissa insiguntur, Ti
bi Domino meo Heroi supremo, virtute, ac for
titudine præstantissimo offerre, ac dicare mini
me vereor. Neque sane mihi consilium est (ut
plerique scribentium intentionem male interpreta
tantur.) auram popularem carpere, aut inde lu
crum aucupari: sed duo tantum assequi. primum
CELSITUDINI tuamorem gerere, quæ Impera
torum, atque magnorum Regum vestigijs inni
xa medicam facultatem præter ceteras discipli
nas amplexatur, fouet, atque tuetur. alterum:
patria mea hoc genere officij quantum possum, si
non quantum debeo, persolvere. Cum præclare
admodum scripserit Plato, non nobis solum nos
esse natos, sed ortus nostri partem patriam, par
tem parentes, partem amicos sibi vendicare.
quæ etiam placuerit stoicis, quæ in terris gignun
tur, omnia ad hominum usum nasci, homines ve
ro hominum causa genitos esse, ut ipsi inter se alij
alijs prædesse possint, Neque porro ob id repre
hendi

hendi posse credo, quod Maximo Principi tam
leue munus donauerim. cum antiquum fuisse
morem scriptum sit, pro thure pauperes Dijs suis
lac offerre. Et maximus ille Artaxerxes egeni
manibus fluuialem aquam illi offerrentis, quam-
uis munusculum exiguum gratum tamen habue-
rit; quia quo exhibebatur animo maximum esse
intellexit. Quod si me apud CELSITVDINEM
tuam consequutum fuisse percepero, nō minimum
laborum meorum premium hinc recepisse sen-
tiam meliora in posterum, annuente Deo, for-
tasse oblaturus. Vale.



EPIGRAMMA

*Octaviani de Alberthis artium, & Medicina
Doctōris, ad Medicina studiosum.*



ENEAS potuit telluris opera subire
Ex auro rami non nisi fultus ope :
Armata flammis potuit superare chimæra
Pegasco Hipponous non nisi nixus equo .
Tu quoque vulneribus cupias si rite mederi
Quæ Sclopetorum plumbea pila facit ,
Hæc alacri lege scripta animo doctissima Boschi ,
Aureus hæc ramus ; Pegasus ecce tibi .

Ad Libri Auctorem aliud Eiusdem.



ETRA cothurnati quid non sint nostra
Poetæ ?
Phæbeam cur hæc non redolentiq; chelym ?
Si mihi Diua foret patrio quæ nata cerebro ,
Nunc Canerem laudes , Bosche diserte tuas ,
At tua pertenuem cum vincat fama fragore
Musam ; cedendum , iamq; silere iuvat .



P R A E-



P R A E F A T I O.



E illatorum à Bellico Fulmine Sclopeto
ictuum curatione praesenti tractatu agere
mihi consilium est, non quia à viris summi
nominis laborem hunc & susceptum, &
absolutum fuisse me lateat; sed quoniam
sub climate à nostro satis diuerso degentes,
ac medicinam pro indigenarum tempera-
mento, habituque facientes, diuersa cura-
sione instituta ab ea, quae à nobis tradenda est huic morbo, methodi
partem pro hominibus diuersarum regionum curandis intactam re-
liquerunt. Vt enim Galenus aliter Roma capitis vulnera curanda
sibi fuisse, quam apud Pelopem in Asia didicisset, libro de compo-
sitione medicamentorum per genera testatum reliquit: ita & nos
aliter apud Italos, quam apud Germanos, aut Britannos affectum
hunc curandum putamus. At quoniam ignota morbi essentia mor-
bum nullum perfecte curare possumus. cum inter se viri de me-
dica facultate optime meriti digladiari videantur, diuersas de pro-
posito affectu opiniones tenentes. ob id iure merito ab his opinionibus,
dissidioque exordium sumet sequens oratio nostra.





P R A E F A T I O .



Illegible text block, likely the beginning of the preface, written in a historical script.



Illegible text block, continuing the preface, written in a historical script.



DE VVLNERIBVS
A BELLICO FVLGINE
ILLATIS
TRACTATVS.



DE PROPOSITO AFFECTV
Prima sententia. Cap. I.



VI de hac re scripserunt omnes affectum hunc sub continui solutione, tanquam sub proprio genere reponendum esse consentiunt: cuius duas includunt species, vlcus nempe, & contusionem. in hoc vero dissentiunt, quia aliqui solutæ vnitati ambustionem, & veneficam qualitatem simul associatas, atque coniunctas volunt, alij id negant. Qui prioris sunt sectæ ambustionem adesse his argumentis probare conantur. Et in primis sic argumentantur. Causa quæ quemuis globulum ad percutiendum impellit ignea est, ergo & quæ ex hac percussione vulneratio sequitur ignea existit, iuxta regulam illam, qua dicitur, effectus suæ causæ naturam sapit, atque redolet. Secundo modo ita argumentantur. Violentus motus, ex Aristotelis sententia secundo Cœli, & secundo Meteorologicorum, omnia corpora ita calfacere potest, vt quandoque ea inflammet, atque colliquet, vt per exemplum sagittæ plumbeæ aciem habentis apparet, dum per aerem

A violento

violento motu fertur, quod experimento liquata apparet. Eo magis igitur ob violentam attritionem carnosam, & pingua corpora cuti subiecta facillimè incendi poterunt. at quod violenta attritio talem semper sequatur ictum, nemo est, qui negare possit; ergo rationi consonum videtur esse, quod ambustio hoc vulnere genus comitetur. Tertio, idè per sensum probant. Sæpè namque oculis cernitur inflammatio quendam in ita vulneratis subortam vsq; ad nonam diem ex crescere, post per alios nouem dies diminui, atque euanescere, quod omni phlogosi ex ambustione factæ commune est. Pro venefica qualitate astruenda & rationes adducere non desistunt. Prima quarum est. Quod ex venefica causa prodit, vt veneni naturam sapiat necesse est, at vulnus, quod vi sclopeti infligitur ob puluerem venenatum, qui tormētum istud ingreditur venenosum reddi necesse est, tale igitur vulnus veneno haud caret. esse autem qualitatem veneficam in hoc puluere, duo præcipuè declarant. Primum quorum est natura elementorum ipsius, qualia sunt, salpetre, seu salnitrum, sulphur, & carbo, quorum aliqua calida ita sunt, vt dum intenduntur ad quartum caliditatis, siccitatisq; gradum peruenire omnibus pro confesso habeatur, atque ex consequenti venena fieri. Alterum autem est, quod qui puluerem istum construunt, ne ab eius halitu venefico lædantur, os, naresq; sibi occludunt. Secunda ratio est, quod istiusmodi vulnera, vt plurimum maligna admodum sequuntur symptomata, nimirum inflammatio, sphacelismus, gangrena, & similia, quæ proculdubio non nisi venenosum sequuntur affectum.



SECUNDA SENTENTIA. Cap. II.



Qui affectum hunc absque veneno, atque adu-
 sione esse volunt, multis medijs sententiam
 suam confirmant, & pro ambustione abdi-
 canda primum sensuum testimonio vtuntur.
 Qui enim vulneribus huiusmodi vulneran-
 tur nihil se vri asserunt, sed a contusione qua-
 dam affici dicunt. deinde si indumentum vel laneum, vel se-
 ricum, vel alterius generis ab huiusmodi ictu transfixum re-
 spiciatur, in ipso nulla poterit inueniri exustio, sed duntaxat
 decisa apparebunt, vel lacera. Præterea si huius tormenti
 fistulæ, ex qua pila eiaculatur, stupa, aut gossipium, aut lintea
 mina fuerint immissa, aut id genus alia, hæc post eiaculatio-
 nem absque uestionis vestigio reperiuntur, & sæpe à chyrur-
 gis talia corpora in vulnerum cavitare latentia incombusta
 extrahuntur. quin etiam qui naues, aut murum ab istius bel-
 lici fulminis impetu tueri volunt, lanam, gossipium, stupam,
 & huius generis materiam opponunt, quibus corporibus
 tantæ stragis ruinam retundunt, quod certe minime asseque-
 rentur si huius tormenti pilis ignea vis insita esset; hæc nan-
 que de facili ignita tali ictu accepto flagrarent, atque com-
 burerentur. Additur his, quod quandoque ex accensibili
 materia, vt charta, gossipio, stupa, & sulphure bellici effor-
 mentur globuli, qui cum vi ignis excutiantur (vt in publicis
 fieri solet spectaculis) nihil accensi emittuntur, & si quæ per-
 cusserint, contusionem solam relinquunt: quod apertissimū
 signum est, globulum ferreum, aut plumbeum incensionem
 nullam cōtrahere posse, alioqui naturæ frigidioris, & minus
 inflammabilis, quā sint supradicti globuli. Accedit & aliud,
 quod pilæ istæ metallicæ postquam fuerint eiaculatæ, si ma-
 nibus pertractentur, vix tepidæ persentiantur. quod argu-

mento est nullam ab ipsis posse prodire ambustionem. Postremo ambustio sanguinis profluuium in vulneribus curare consuevit, at in vulnere ab hoc tormento illato sanguis non compescitur, immo illius profluvia contingunt, idcirco nullam in ipso vulnere vstionem inesse fatendum est. Venescam porro qualitatem & nullam addesse, ita suadent. Primo quia illa, ex quibus pulvis tormentum hoc ingrediens confatur, vtiliter cuti extra illiniuntur, & innoxie deglutuntur. Ob id venenata non sunt, neque per consequens qui ex ipsis fit pulvis, venenatus esse potest, quod erat ab aduersarijs fundamento suæ rationis assumptum: quis est autem, qui nō nouerit (inquiunt) carbones a picatis mulieribus absque cui denti noxa deuorari, ita & sulphureas, nitrosasque aquas magno cum iuuamento ad multas libras sæpe ebibi. itidem & tetrapharmaco nitrum, sulphur, cineresque recipiente proræ, vetustamque scabiem deleri, sed hunc puluerem veneno carere nos illud docere potest, quod vt Quercetanus insignis medicus scribebat, Germani equites ab accepto tali vulnere cochlear ipsius pulueris magno cum fructu deuorare solent. Tandem sæpe sæpius, inquiunt, vulneribus prædictis nullum sphacelum, nulla phlogosis, nulla gangrena, neque vllum aliud malignum euenit symptoma, quod certissime probat ipsa ex se vulnera hæc veneno carere, & siquæ dictorum affectuum genera quandoque pariant, non ex se id præstare, sed ratione cachochimiæ, vel ratione plethoræ in subiecto corpore existentis hoc euenire.



PROPRIA SENTENTIA. Cap. III.



Go in tam ardua, ac admodum per difficili ista disputatione, etiam si eorum rationes magni momenti esse videantur, qui ab hisce vulneribus ambustionem, & venenum separarunt, tamen quia ita me cogere videtur veritas, in oppositam descendo sententiam, quod enim ad exustionem attinet, primo in multis horum vulnerum ambustio ipsa oculis aperte cernitur, deinde vsq; ad diem nona inflammatio vlcus exercet, tandem eiusmodi plagæ acres admodum icores, tetrosq; ac nigros emittunt, qui vstionem apertissime præferunt. Apparet etiam veneni præsentia primo, quia tali ictu percussus quodam præter rationem cordis tremore fere semper corripuntur, vlcus labia liuent, & nigricant cum eschara quadam correpta sint, tandem ni diutius vulneris oscula aperta relinquuntur, & difficulter sanantur tales præter naturam affectus, & illa sæua admodum subsequi consueuerunt accidētia. Quibus omnibus tanquam corollarium addendum venit quod alexipharmaci vsus hoc morbo affectis plurimum confert. Neque obstant aduersariorum argumenta, nam quo ad primum dico vulneratum ab hoc tormento actum ambustionis non sentire, vel quia duobus doloribus simul corpus nostrum infestantibus maior minorem obscurat teste Hippocrate secundo Aphorism. quadragesimo sexto, vnde cum simul incidant contusio, & vstio, fitque maior contusionis vis, hinc fit vstionem a contusione obscuratam non sentiri, vel si persentiat, quia ipsa affatim non fit, sed successiuo quodā modo, & sensim, ob id contusio persentitur, non ambustio: quæ enim sensuum mutatio confertim non fit, neq; cum dolore, neque cum voluptate afficit animal. Quo vero ad secundam,

cundam, tertiam, quartamque rationes vnica responsione dico, nil mirum esse, neque telam, neque sericum, neque gossipium, aut stupas hoc ictu incendi, neque igne ex tormento excussa inflammari, carnem autem ambustionem concipere, namque idem sæpe in cœlestis fulminis ictu visum est, vt vagina illæsa sit, ensis vero colliquatus, sicque vinum exhaustū appareat cado nihil perpesso. Quod accidere dicunt philosophi ex vaginæ, cadique meatuum latitudine, fulminis autem tenuitate. Sic igitur statuendum videtur, cum his ferreæ, plumbeæ vespilæ poris tenuissima hæc exhalatio includi possit, quæ gossipium, telas stupasque possit facillime peruadere, carnes autem secus. & fortasse huiusmodi exhalatio, quæ nequit telas, gossipium, & cætera id genus corpora natura sua frigida incendere, si a calore naturali membrorum accuetur, aliquo temporis tractu illa comburere potest, ad intemperiem solito calidiorem, siccioremque partes humido suo naturali fere destitutas reducendo, quod in corporibus viuentibus primum ambustionis genus est, teste Aristotele sectione prima problematum lv. Ad quintam rationem sic respondendum teneo. Quamuis pila metallica paulo post, ac fuerit emissa frigidiuscula appareat, non tollitur tamē, quod intra illius penitiores meatus tenuissima exhalatio non delitescat, quæ non ita cito ab ambienti aere refrigerari potest, quæ intra membra recepto globo si sese exeruerit, ambustionem gignit. Vel alio modo responderi potest. ita esse tenuem exhalationem in pilæ poris contentam, vt ocysissime possit ab ambiente refrigerari, quæ dein a membrorum natua caliditate rursus attenuatur, atque calefit, & potens redditur vstionem facere: non enim parum iuuat agentium in nos operationem calor naturalis, vt experientia docemur in finapismis, & vesicantibus, quæ in exanguibus admodum corporibus, atque deploratis, neque ruborem, neque vesicas inducunt, quod faciunt in multo natiuo calido abundantibus. Ad postremam respondendum est primo verum esse, quod

immo vt plurimum ex his vulneribus parum sanguinis effluit, vel dicimus non omnem vstionem sanguinis fluxum impedire, atque cohibere posse, sed illam tantum, quæ affatim multumque ex adusta parte adimit humiditatis, quod inducere escharam valet vltimum ambustionis gradum, at in hoc vulnere aliquando, & fere semper mala temperies calida, & sicca gignitur, quæ prima est ambustionis species. Neque argumenta aduersus veneficam qualitatem adducta maioris ponderis existunt, nam quo ad primum concedo ingredientia compositionem pulueris non esse venena, neque ita temperiem naturalem excedentia, vt talia merito iudicari possint: quamquam in hoc non desit disputandi locus. Nego tamen consequentiam istam, quod ictus bellici huius tormenti non sit venenosus, quamuis ex dictis principijs conflatus pulvis non sit venenum. existimo namque huius pulueris qualitates ita immutari, dum accenditur, vt inde possit aliquam concipere veneni naturam. non quidem deleterij, sed potius ratione alicuius exedentis qualitatis, exitiosi ratione, qua nimium caliditate, ac siccitate polleat. qualia dicimus esse euphorbium, & thapsia, & his similia. Neque obftet aliquis dicendo nullam ignis actione generari rem venenosam, quinimmo eadem omnem deleri veneficam qualitatem; hoc enim verum est de venenis a tota substantia necantibus, non autem de omni venenorum genere, vt in fulminis veneno apertissime depræhenditur. Neque secundum argumentum magni est momenti, quo astruebatur multos neque sphacelo, neque cordis tremore, neque alijs seuis affectibus post acceptum ictum corripì. nam multo plures ij sunt, qui multa grauia symptomata patiuntur tali accepto vulnere, quam qui non. Vel etiam dicere possumus, quod, cum huius veneni vis a tota substantia non dependeat, sed a qualitate tantum manifesta, iccirco opus est, vt in certa quadam dictæ exhalationis quantitate constituatur agendi potentia, quæ potest multoties adesse, secundum quod magis, & minus sclopetum

tum distat, vel in eo exigua adest pulueris quantitas, vel ob aliam aliquam causam; & si adsit in sufficienti quantitate exhalatio, hæc uel a membri vulnerati temperie, vel ab aliqua alia re obsistente potest expurgari. Quæ pauca cum credam satis esse pro eorum rationibus confutandis, qui vna cū vlcere, & contusione ambustionem, & venenum in hoc affectu adesse negant, finem huic capiti imponam, statuendo huiusmodi morbum continui solutionem esse contusionem cōprehendentem, ambustionem, & veneficam immutationem.

DE SIGNIS HORVM VVLNERVM.

Cap. I I I I.



NEQVAM talium vulnerum curationem aggrediar, operæ prætium fore duxi, nonnulla de horum vulnerum signis prius præfari, præsertim cum primo aspectu contusorum vulnerum tantum naturam, atque figuram ostendant. Signa igitur, quibus talia vulnera dignosci possunt ab alijs, multa sunt, omissis tamen superfluis, hæc solum, cum necessaria sint, recensebo. Figura itaque orbicularis, vel quadrilatera est, pilæ, vel alterius quadrati corporis figuram præferens, color cutis deprauatus, liuidus, nimirum cæruleo commixtus, quod venenum in parte læsa adesse ostendit, sensus admodum vehemens, & grauis, ita vt percusso videatur id factum esse ab aliqua magna mole, pauca, vel minima admodum sanguinis per vulnus eruptio, quod non solum per escharam sistitur, verum, quia inter membranam carnosam, & musculos a contusione, leuis extraenatio facta est; ob id sanguis, vel parum, vel nihil profluit, quod est signum euidentissimum hæc vulnera esse

esse combusta, cum semper vulneribus ambustis, antea-
quam bullæ procreentur, hoc accidat: insuper ita tumet
pars, vt vix primo aspectu in ingressu angustum specillum
ingredi possit, data semper proportionē corporis ferientis.
Vltimum signum, & contra ordinem corporum aliorum fe-
rientium est, quod patentior est via exitus, quam sit illa;
per quam pila ingressa est, supponendo semper ab vtraque
parte partem transfossam esse.

... ..

... ..

... ..

DE AFFECTIBUS SIMIL COMPOSITIS.

... ..

... ..

... ..



VI A curatiuæ intentiones omnium con-
sensu a morbo desumendæ ueniunt, hinc
a vulneris curatione, prout primus appa-
rens morbus est, & a quo alij præter natu-
ram affectus pendent, inchoandum esse
duco. Quo in loco primo notandum cir-
ca hoc venit. Vulnus ex Celso lib. viij. cap. xxvj. illud esse
appellandum, quod causam extrinsecus lædentem habet,
& quia Galenus iv. & v. methodi triplicem solutionis con-
tinuæ speciem tradit, primam in carne, & hanc vulnus, se-
cundam in neruo, & hanc spasmum, tertiam in osse & hanc
fracturam, de his omnibus pertractabo. & quoniam acci-
dere potest vt caput, & thorax, & abdomen vulnerentur,
ob id de vulneribus istis sermonem faciam, vna cum vlce-
rum speciebus. deinde quia ab his vulneribus sanguis ali-
quando fluit, & præsertim, vbi ossa fracta sunt, ideo de san-
guinis fluxu tractatum instituam, quemadmodum, & ex
accidenti de inflammatione, gangrena, sinu, fistula, erysipe-
late, herpete, & ultimo de ossibus vitia tractatum faciā,

nec non cōsum fracturas ordine proponam, & quomodo omnia hæc curanda sint ex Galeno; Hippocrate; Avicenna; & Celso ostendam: & ita huic capiti finis sit impositus.

CURATIVAE INTENTIONES DE PROMPTU.



COLLIGUNTUR itaque hoc pacto intentiones curativæ. omnis continui solutio sui vnionem indicat, quod per exsiccatiā, atque adstringentiā assequimur, quia inter labia intercidere potest aliquod corpus, quod actionem, vnionem dictam, impediāt, & præsertim in talibus vulneribus, in quibus totum membrum sit transfixum, ob id primo euellendum est, de sumpta indicatione a corpore, quod diuersam sui extractionem expostulat. Aegro igitur eo modo, quo se habebat quando vulneratus fuit, situato, primo specillo, vel candelā, vel apice minimi digiti, si fieri possit, qđ insidet parti læsæ, corpus feriens inquirendum uenit. carnosam namque caditatem, vel articuli fundum petens, sensum visus subterfugit: quæ dere cum omnia corpora præter naturam in vulneribus existentia sui extractionem indicant, ad eam quam citissime deueniendum est, dato quod & dolorem adaugere valent, & inflammationem non solum, sed tumores omnes procreare, qui facile cognoscuntur ex colore, dolore, duritie, & magnitudinis dimensione. Instrumenta itaque talia corpora extrahere valentia in multiplici sunt usu, prout talia corpora orbicularia sunt, vel quadrilatera, vel alterius figure, & magnitudinis, supposito semper quod ad osculum vulneris legis dilatio fiat, si pars læsa id fieri paratur, neque aliquod aliud impediāt. Vnde si pars tota tran-

transfossa non fuerit semper a parte dissecta hamulis, tenaculis, vulscelis, instrumentisque modo oblongis, modo curuis, modo acutis, modo acie quadrilateris, talia corpora extrahenda sunt, ut apud scriptores delineata ad hunc multiplicem usum habentur. & apud medicos, chirurgiam prodignitate exercentes passim parata. Verum si in cute opposita ulceri erit facta cutis sectio, quæ contra aperiatio vocatur, impulsæ pila per talem incisionem factam impulsorio instrumento dicto extrahetur, & si ossi infixæ decidat, uel in articuli cavitatem resideat, ita ut tenaculis illi præstesse nullo pacto possimus, instrumento formam communis terebræ habente pila extrahetur. & hoc pacto pilæ, uel cuius corpori unionem, uulneris obsidenti facile erit occurrere. hæcque pauca pro scopo assequendo dicta sint satis, ut solutioni continui uulnerationi dictæ satisfaciamus. In contusione suppurantibus utendum est, ex Hippocr. lib. de ulceribus, ubi habet, omne contusum necesse est putrefieri, & in saniem conuerti. Veneficæ qualitatis ueneno ad uersantibus medicamentis resistendum erit, uel ijs, quæ putredinem sistunt. Ambustioni medicamenta moderate refrigerantia, & moderate calefacientia commoda sunt. postea quæ pustulas prohibent, & abstergunt, & carnem attritam simul absumunt, ex Arist. primo problematum probl. lvi. Fracturæ uero ossium cum eadem met fere intentio sit, nimirum aglutinandi, atque exsiccandi, quemadmodum in ulceribus excogitatum fuit, ideo de hac nihil dicam ulterius: his scopis deductis, primo ad id quod magis urget, & ad id quod primo sanari potest, est dirigenda cura, alijs non neglectis, sed ei præsertim est attendendum, quod rationem causæ obtinet. quare ab affectus magnitudine inchoandū uenit. magnitudo autem triplex est, prima actionis est præstantia, secunda affectus essentia, tertia facultas, quæ lesum corpus gubernat. rursus animaduertendum est

quid ante, quid post, quid cum quo sanari potest. quibus omnibus optime perspectis ad veneni extractionem deveniendum fore arbitror, cum ab illo veneno alij præternaturam affectus in dies maiores reddi possint, & pars in sphacellum verti, a quo postea suborto vitales facultates labefactari magis poterunt, quam a solo veneno in ulcere impresso. unde nisi veneno occurramus primum, curationem perfecte aggredi minime possumus. Et quia alij affectus sui amotionem indicant, ob id simul & semel mixtis intentionibus uti debebitus. Quoniam autem dolor symptoma est, quod illis semper associatur, & tale est, quod sæpe sepius totam ad se curationem trahit, propterea, si potis est, tollendus dolor, & illi occurrendum. Omitto alia symptomata, quæ talia concomitantur vulnera, & proculdubio illa venenata esse ostendunt, ut mens ægri stupida, sudor frigidus totum corpus inuadens, syncope, ora vulnervis refrigerata, & infuscata, nigraque fuliginis per vulnus excretio. quoniam veneno amoto, & talia symptomata amovebuntur.

DE PROGNOSTICO. Cap. VII.



RIVISQVAM horum vulnerum curam persequar, consonum rationi mihi videtur de modo prædicendi in talibus vulneribus aliqua præfari. Scôpis nanque curatiuis selectis, antequam ad usum vocetur, prius videndum est, an id côlequi nos possimus. Vulnera itaque hæc non alienam ab alijs prædicendi rationem habent, ut si sint magna, & partem aliquam principem obsideant, & a diuturnitate temporis malum aliquem habitum contraxerint, male de his prædicendum est, quæ-
admodum

admodum bene dijudicandum si secus se habeant. semper tamen difficilis pronuntiandus horum vulnery euentus est, tum quia multi simul complicantur affectus contrariam curationem exposcentes, tum quia semper venenosohalitu sunt infecta, quod uenenum in principio a naturali ualido calore reprimi posse videtur, ipso uero debili reddito reuiuiscit, atque reuertitur. quemadmodum multoties in his casibus experientia nos docuit, & de præsagio hæc sint satis.

DE HORVM VVLNERVM CVRA. Cap. VIII.



AGGRESSVS vulnery suppositorum curam, primo parte quauis lesa, transfossa, vel non transfossa, accipiet oui album, cū vitello optime concussum, illudque oleo sambucino commixtum, dein portiuncullā boli orientalis, vna cum sanguine draconis assumpta, simulque mixta, omnibusque agitatis, placentulam ex stupa lineā, uel canabina optime carpinatā efformet. tenta que, vel tentæ, ex tali materia conficiantur, quæ tali linimento illiniantur, & ita prima facie uulneri apponantur. Ex hoc nanque medicamento, quod singulas intentiones curatiuas assequuti simus, arbitror, ex bolo etenim orientali ueneno occurreretur, oleo sambucino ignea uel obfisteretur, oui vitello dolor sedabitur, albumine oui, & sanguine draconis sanguinea fluxio, & calida, a qua dolor excitari, ut plurimum solet, intercipitur; & si sanguinis fluxus expectetur hoc medendi modo huic occurreretur. Si uero multa ueneni copia in uulnere appareat, uel quodd multa cacochimia corpus scateat, ita ut pars a naturali suo statu recedere videatur, tota caro liuescens scalpel

Io nouacula dicto amouenda est, dummodo id fieri patiantur circumiacentia vasa. quod cum fieri non possit, cucurbitula multa flamma accensa supra vulnus apprime apponenda erit, leuibusque scarificationibus inficienda cutis, & iterum apponenda, vt ab illius appositione, venenum extrahatur. sed si tale venenosum vulnus, vt fieri talia vulnera aliquando consueuerunt, gangrenam minetur, ad topica medicamenta caustica statim deueniendum, quorum sylua apud omnes medicos passim habetur. & si hæc parum proficere videantur, ad ignita ferramenta transeundum est, Hippocratis dogmate seruato, vbi imperat igne vtendum esse, quando medicamenta, & ferrum parum, aut nihil profecisse visa sint. deinde quia parti dolenti, atque debiliori ob vulnus redditæ, nec non etiam calidæ, natura copia sanguinis occurrat, vt ei opem ferat, ea propter ut huic succorum fluxioni obuiemus, cum ratione sui magnus sit morbus, & cum adsit dolor, qui admodum graue symptoma est, ex Galeno lib. de curandi ratione per sanguinis missionem, uena secunda venit, & in opposito latere tundenda, vel in remoto, & longinquo, ut reuulsionem sanguinis moliamur, hicque non in multa quantitate, ut, si fieri necessitas cogat, ab eodem latere læsa partis mitti possit, ad hoc vt euacuatio sanguinis sequatur habita semper ratione ad virium robur, ad ætatem nec non ad copiam sanguinis per uulnus effluxam, si adfuerit. Verum ob stare posset aliquis contra ea, quæ dicta sunt circa sanguinis euacuationem, cum a nobis fuerit suppositum uenenata hæc vulnera esse, constat etenim in uenenatis uulneribus non ita tuto sanguinem mitti posse. Huic itaque obiectioni ita respondeo, quod cum dicatur in uenenatis uulneribus non esse secandam uenam, intelligi id debet de ueneno a tota substantia, & non de halitu uenoso, nam uenenum a tota substantia citissime repit ad cor. halituosum nero hoc uenenum
non

non ita cito cor inuadit, & que de p̄sa in sanguinis missionem non tantum imminet periculum. Præterea si cucurbitula ubi dubitatur magis de actuali ueneno apposta affectæ parti valet uenenum extrahere, ergo sanguis mittendus. quinimo dico debere omnino mitti propter afflūsum prauorum succorum ad partem læsam, a quibus pars inflammatione correpta aliquando in gangrenam, & sphacellum trahi potest. quare cum alijs credo sanguinem tuto mitti posse. Adnotare uero placet, quamuis hæc omnia corpus interne respicientia per accidens à me dicta sint, quod ante sanguinis missionem opus est ægrum, uel elystere, uel minoratiuo medicamento, soluente dicto, uti. His peractis, ut pars dūtatur ab omni fluxione libera permaneat, quoque fieri possit, defensiuo proprie dicto medicamento locus affectus muniendus est circum circa. hocq; dico quia non semper potest membrum læsum circumuolui, cuius appositionis notæ hæc erunt, quod non immediate supra uulnus applicetur, alterum quod ubi uasa exterius patentiora sunt, atque sub cute apparent, ibi apponatur, quod si hæc duo minime assequi possimus, per quattuor digitorum spatium ab articulatione qua distans est apponendum. notandum etiam uolo, quod defensiuorum magna est sylua, prout diuersa est regio, anni tempus diuersum, diuersaq; ægritantis, ætas, atque natura, nec non etiam affectarum partium situs, eius tamen quo frequentius utor inscriptionem tradam. & est.

Rec. Boli arm. orient.	} añ. drac. i.
Sangu. drac.	
Pulu. myrtilorum	} drac. 5.
Balaustiorum	
Gallæ immaturæ	} drac. i. 5.
Ol. ros.	
Myrthini	

Aceti

him & Aceti acerrimi quantum sit satis. **Cera alba drac.** Mis. & form. defensuum ad vnguenti solidioris formam. Circa tale medicamentum opponi potest, quod olea ista quamuis refrigerare habeant, atq; adstringere, tamen oleo ginositate sua partem magis laxare possent, cum calefacta sint, simulque vasa cuti subiecta, unde vel penitus dimittenda olea, vel eorum vice oui albumen assumendum, vel succi herbarum refrigerantium, & adstringentium, ad hoc respondeo, quod hieme defensiuo cum oleis parato, & in corporibus mollioribus utendum. ætate uero, & ubi corpora sunt dura, succis utendum. ut sunt succus plantaginis, semperuius, solarri, & id genus similibus, oui albumini commixtis, absque vlla oleorum permixtione. Quo defensiuo utor etiam vbi a vulnere quopiam adsit timor alicuius sanguinis profluuii, vel vbi magna adsit ad vlcus fluxio, succi namque isti cum oui albo maxime adherent affectæ parti, & vi sua adstringenti, magis quam olea, vlceri pro sunt. quæ admodum refrigerando maiorem percutiendi vim habent. Attamen vnum tantum circa primum medicamentum adnotare libet, quod medicus illo vtens sæpe permutare debet, propterea quod olea, vt dictum est, calefacta atrahunt potius, quam refrigerent. Non desunt præterea alia defensiuæ, quæ, cum minime artificiosa sint, examine non indigent, qualia sunt, posca, decoctum balaustiorum, hypocistidis, mirtilorum, gallæ immaturæ, omphacium, & demum succus malorum punicorum acidorum, quibus omnibus puris, & non prauis succis relatis linteola madefaciendo, & parti, vt dictum est, adaptando tuto vtimur. Postea vero antequam vlcus curadum aggrediamur, prius victus ratio (dieta dicta) examinanda se offert, quæ tanti est momēti, vt ab Hippocrate semper plurimi facta fuerit,

tam in omnibus morbis, quam in vlceribus ipsis, quemadmodum in lib. de vlceribus patet, vbi inquit, aquam potare, & parum comedere, quam maxime confert. Neque tacebo, sanguinis missionem, atque aliorum medicamentorum vsum absque diæta parum facere posse. Si enim quantitas, & qualitas succorum prauorum, sanguinis missione, & pharmaco demitur, prauo victus regimine adaugetur, & quantitas multitudine, & qualitas malorum ciborum qualitate progignitur; Neque inflammatio cohiberi absque diæta potest, vt ex Galeno quarto Methodi. & Celso lib. v. cap. xxvj, vbi in inflammatione euitanda victus rationem optimam tanquam scopum habent. Neque dicere obstat, victus rationem diætā dictam inflammationi cohercendæ, atque intercipiendæ parum aut nihil facere posse, quia neque vi reuulsoria reuellit, neque fluentes succos ad affectam partem euacuat: ad hoc enim ita respondere possumus, non posse negari victus rationem diætā dictam neque reuellere quod influit, neque euacuare per se humores posse. Attamen si consideremus diætā paucam quantitatem sanguinis gignere aptam natam esse, iure merito inflammationi occursuram esse credetur, & fluxioni quorumcunque se interponere, vnusquisque per se existimabit. Reddit nanque naturam ad pugnandum validiorem contra prauos succos, cum non habeat multum distrahi circa ciborum concoctionem. Quare cum facilius sit, & commodius hostem extra mœnia retinere, quam ingressum expellere, ita quoque multum confert cibandi ratio. quæ cū in quali, & quanto consistere debeat, atque in substantia, propterea propinandus est agro nostro cibus tenuis, & paucus, secundo loco frigidus, tertio adstringenti qualitate præditus, neque mirum esse debet, si talis cibandi ratio medicamentosa videatur, cum hoc pacto præscribatur, vt suis qualitatibus occurrat morbificis affectibus, tenuis et-

enim est, ac paucus, ne natura a suo munere auertatur. Frigidus, ut inflammationi occurrere valeat, adstringens, ut fluxionem intercipiat, natura nanque cum copiosa succorum (ut dictum est) affectæ parti seruandæ semper occurrat, si partes tam internæ, quam externæ a diætâ paucam quantitatem sanguinis procreante exinanitæ sint pro se ipsis id, quo egent, retinebunt, & ita ad affectam partem noui transmittent. Extat quoque Hippoc. auctoritas lib. de vlceribus vbi multifaciens diætâ illam magis recentibus conuenire autumat vlceribus, quam vetustis; hocque eo facere videtur, quod fluxioni obstat cum recentia vulnera fluxione magis tententur, quam inueterata. Vnde vulneratos fame affligi vult. & in eodem lib. abstinentiam, & aquæ potum vbi inflammatio accesserit, aut impendeat prodesse tenet. Celsus vero lib. v. cap. xxvi, distinctius loquens dicebat, vbi aliquis graue vulnus acceperit a cibo tantum se abstinere debet, quantum uires patiantur, vel ita tenuè, & exiguum sumere, ut duntaxat sustineatur. Ex quibus dicendi modis colligo; cibum exhibendum esse intentione desumpta modo ab ægri temperamento facile in diætâ ferentis, tum a consuetudine, quæ cibandi rationem tenuem, & parcam minime patiat. Neque omni tempore omnimodam, & admodum parcam in diætâ credo impensandam. æger itaque noster carnibus, & vino abstinerebit, ciboque vulneribus congruenti utetur. Sicuti erit contritus panis in expressione seminum peponum cum saccharo, pira, cidoniaque, erunt & optima poma costâ. Pro potu autem concocta aqua cum saccharo, aut acidorum granatorum vinum probatur. quia vero semper adest medicus, qui hæc magis exequetur, quam nos nunc ordine præponimus, hac formula diætandi tradita, cibationem per tempora morbi imperandam illi remittimus. & capiti huic, vbi de sanguinis missione, de cibandi modo, & de medi-

medicamentis primo occurſu apponendis agitur, ſinem imponemus, totius corporis purgationem breuiter tractaturi.

DE PURGANDI RATIONE.

Cap. IX.



Vm medicina ad fugandos, depellendosque morbos chirurgia, diæta, & pharmacia vtatur, hætenusq; de chirurgia, & diæta pertractauerimus, nunc de pharmacia, purgatione ſcilicet, eſt ſermo habendus. Habita itaque ſemper ratione euacuandi ad ægri temperamentum, & ad vires, quæ, ſi id fieri poſſit, oſtendent, nec non etiam ad anni tempus, an hyemale ſit, an æſtium, a quibus pharmacorum indicatio deſumenda veniet, vt inceptum opus abſoluam (currenti vt fertur calamo) breuem, atque accommodatam æſtuo temporis aſſumendorum ſyruporum formam tradam, ægro inuene exiſtente, atque temperatura calida. Hocque facio vt ordine quodam incedam.

Rec. ſyr. de ſucco borâginis	}	an. onc. j.
de ſucco cichoreæ		
vel vice illorum.		
Rec. ſy. de ſucco acetosæ	}	an. onc. ij.
de ſucco portulacæ		
Aquarum lactucæ		
borâginis	}	an. onc. ij.
vel illarum vice.		
Rec. Endiuizæ	}	
Acetosæ.		
Misce pro ſy. & clarifica.		

Dosis adaugeri, & minui potest, pro ut magis ægri sensus calidus erit, & maiori portione oblectabitur; vel si tempus summum sit æstus, deinde syrupis quinque assumptis plus minusue, vt dictum est, stantibus omnibus prædictis intentionibus, tale propinabitur pharmacum.

Rec. Rhabarbari electi pull. drac. j. f. *℞* *℥* *℥* *℥* *℥*

Cum decoctione florum & fruct. q. f. f. p.

Vel si magis placeret, propinabitur bolus cassiæ cum tamarindis; si vero frigidum sit cœlum, & æger frigida sit temperie, neque febriat talium syruporum erit vsus.

Rec. sy. de betonica

de mentha

vel eorum vice

Capill. veneris

de citrach.

Aquarum betonica

de absinthio

vel earum vice

Capill. veneris

de saluia.

an. onc. j. H

an. onc. ij.

Misce, & clarifica pro syrupi. & sic pro quinque, quibus assumptis præbeatur tale pharmacum.

Rec. Elect. de succo rosarum drac. j.

syr. rosati solutiui onc. iij.

Misce, & cum aqua cichoreæ q. f. f. p.

vel. Rec. confect. senæ drac. vj.

vel maior sit dosis, prout videbitur medico phisico præsentati, cui in hoc negotio purgationis libenter deferro. Interdium tamen, mane scilicet ante prandium, & in vesperis ante cœnam ellectuarij inscripti cochlear vnum assumat, cuius vis malignitatem veneficam respicit.

Rec.

Rec. sacchari rosati } an. onc. ij.
 boraginati }
 pulueris terræ sigillatæ } an. drac. j.
 boli armeni orient. }
 cornu cerui præparati } an. scrup. ij.
 Margaritarū præparatarū }
 Misce & cum syrupo de acetositate citri, quantum suffi-
 cit, formetur electuarium

— C Y R A H O R V M V V L N E R V M
 prima die transacta traditur. Cap. X.



PRIMA die transacta, & his, vt supra dictū
 est, constitutis, ad amouēdam stupam me-
 dicus accessurus aliud medicamenti ge-
 nus paratum habere debet, quod omni-
 bus propositis intentionibus satisfacere
 valeat. Et primo vlcus ipsum in duas præ-
 cipuas, atque genericas partes diuidendum venit, sicuti &
 medicamentum; altera quarum labia respiciet, altera fun-
 dum, & circumiacentes partes. Hinc duplex medendi vl-
 ceri intentio oritur, vna quæ ad labia, altera quæ ad fundū
 dirigitur. & quia aliquando fundum patentius altera par-
 te est, ita vt cogamur modo placentulis, modo tentis vti,
 primo inscripto medicamine tentæ illiniuntur, alterum su-
 pra petiam extensum labijs apponetur. primum tale erit.

Rec. butyri recentis } an. onc. iij.
 pinguedinis suillæ liquefactæ }
 ol. rosati } an. onc. ij.
 sambucini }



Vitelli

Vitelli ouorum nu. iiii.

Theriaca el. 3. ij.

Boli orient. 3. i. f.

Misce, & cum terebinthina claræ optimè lotæ onc. ij. paretur digestium secundum artem, quo vtemur, vbi carnosæ partes tantum læsæ sint, & vsque ad nonam transactam, quo tempore tota ignea vis extincta est. At quoniam dolor, tristis admodum sensatio, & symptoma vehemens accidit, quod oriri solet (læsis partibus nervosis) propterea omnibus derelictis intentionibus, illi opem ferre cogimur, cum vires prosterнат, ægrotantes simul lædat, assidentesque & partes in conuulsionem trahat, & multa alia mala procreando ægrum necet. Sicque supra petiam rale extendetur medicamentum.

Rec. vng. tetrapharmaci dicti

} an. onc. j.

Rasini

de rutia

de calce

Rosati

Populeonis

Albi camphorati

} an. onc. j. f.

Misce diligenter simul.

Hocque medicamento ad extra appposito dolori pro nunc erit occursum, & alijs præter naturam affectibus vlceri commixtis. intus vero superiori medicamento addetur oleum de terebinthina, de rassa, de abiete, per ellambicum extractum, vel accipiat ol. scorpionum vetus.

vel Rec. ol. ex vitellis ouorum

ol. Hypericonis

Butyri recentis

} an. drac. j. v.

Misce & conficiatur linimentum molle.

Vsum

Vsum quoque cataplasmatidis alicuius laudo, vt dolor tollatur, vel amolliatur, a Galeno, doctus iij. de compositione medicamentorum per genera, qui in doloroso neruorū vulnere, cum videret medicamentum siccans non proficere, quia saniem non euocabat, dogma Hippoc. sequutus in lib. de vlceribus, vbi inquit, si vis dolorem sedare, cito suppurata, mutato consilio ad emplastri vsum optimo cum successu se conuertit. quare vsum emplastri ex Altheæ radicibus coctis cum butyro atque hordeacea farina paratis laudo, nec non etiam ex vfu in similibus affectibus est mihi. Summe etiam confert olei communis tepidi membro affecto longa perfusio, dummodo vlcus non tangat, ol. etiam rosati completi tepentis embrochationem super affectum membrum factam commendamus. Emunctorijs quoque affecti membri, vt erunt axilla, vel inguen, talis inunctio calida conferre videtur, & est.

Rec. ol. Hypericonis

de terrestribus lumbricis } an. onc. ij.

Camomillini

Liliorum alborum

Costini

Vulpini

Iri

Castorei recentis 3. ij.

} an. onc. j.

Misce, & cum cera fiat linimentum molle, quo tepido bis & ter inungantur. Emunctorijs dictis postea lana succida dicta, vel molle cœsipum supra paruum linteum apponatur. Aetius magnæ auctoritatis vir vult Anethum, & mentam in oleo coqui, deinde in vulneribus neruorum instillari. Rasis vero xii. sui continentis ol. lumbricinū per se tantum laudat. Auicenna balsamum commendat, quo cum

cum nunc careamus, extracto ex myrrha, quod extractum myrrhæ vocant utimur. Verumtamen unum adnotare volo, quod semper medicus doloris causam respicere debet, ut illam cognoscat, quæ causa cognita, atque optime perspecta tollenda est, non respiciendo tempus morbi, neque ætatem, neque alia. Propterea quod dolor vnum est symptoma, ægrum in omni statu crucians, atque omni tempore, & omni ætate. Hoc tamen verum est, quod conuulsiones hyeme magis procreantur, quam æstate, & in senibus potius oriuntur quam in iuuenili ætate constitutis. Hæcque pauca de dolore sedando, pro nunc sufficiant, atque de vlcere vsque ad nonam diem curando.

DE VLCERIS CURATIONE

transacta nona. Cap. XI.



VULNERE, vsquequo eschara deciderit, hoc pacto curato, cum alio modo tempus præscribi non possit ob diuersam ægrorum naturam, ætatem, atque affectuum partium sedem, & anni tempus, vlcus examinandum diligenter a medico venit. vlcus dico, quia a materia purulenta, quæ excernitur, vulnus in vlcus degenerauit, & primo animaduertendum venit, an vlcus istud sordidum sit, necne, an cauum, an lene, & illo ad has species accommodato; vlceris cura inchoanda est, superioribus intentionibus amotis, & si sordidum sit quod statim his vlceribus accidere solet ob lenientium medicamentorum vsum, tunc abstergentibus vtendum censeo. Si cauum o carne replendum, si lene cicatricandum, semper intenuitine curatiua deducta a contrario affectu. Abstergendum

dum itaque erit ablutionibus, atque medicamentis id
 ere aptis, natisque, vt erit ablutio ex aqua hordei melle
 aceo simplici commixta, & alijs similibus medicamen-
 tibus, confilio semper directo
 maiorem, minoremque sorditiem, qua vlcus polleat, se-
 dum quam maiora, minoraque medicamenta exigit .
 cauum vlcus curandum carne illud replendo, cum ab-
 gentibus vtamur, de illo nunc nihil dicam, tollenda
 ique de medio sunt impedimenta, vt sordes, & similia,
 hoc vt caro in cauo vlcere regenerari possit, hæcque to-
 a, & localia medicamenta dicuntur. quo vero ad illa,
 e internam causam respiciunt, vt purgationes, & victus
 imen optimum, de his cum satis abunde sit pertracta-
 a, vnum hoc adnotare placebit. Quod cibus in tali ca-
 ssumendus crassior, & copiosior esse debet, ex Hippoc.
 trina lib. de vlceribus, vbi vult pro inædia intelligendū
 esse paucum, & tenuem cibum, & magis recentibus conue-
 nire vlceribus, quam inueteratis, hisque præcipue vlceri-
 bus, in quibus caro regeneranda venit, quia si caro regene-
 randa est, a sanguine copioso regenerari debet, & si opti-
 ma a sanguine optimo, secundum deperditæ carnis exigē-
 tiam, quemadmodum inflammatio si arceri debet, a cibus
 paucis, qui paucam sanguinis copiam gignant, cohibetur.
 Et cum duo excrementa vlceribus propria semper sint, &
 illis fere communia, atque familiaria, quæ primos scopos
 vlcera curandi ostendunt, vnum tenue, alterum vero cras-
 sum, iccirco exsiccandum est cum abstersione, quæ duæ
 actiones vtique a medico peraguntur ope medicamento-
 rum id efficientium, & quamuis caro absque alicuius ad-
 miniculo regenerari possit, nihilo tamen minus optima di-
 ci non meretur, quia alba, & humida est. Aliud quoque
 adnotandum venit, quod scire non sufficit exsiccandum,
 & abstergendum fore, vtrum quantum etiam exsiccand-
 dum,

D dum,

magis aptus
 est magis
 naturalis

magis de
 latitudine
 vniuersi

paucum et
 recentibus
 conueniens

exsiccandum
 et magis
 abstergendum

quid ante, quid post, quid cum quo sanari potest. quibus omnibus optimè perspectis ad veneni extractionem deueniendum fore arbitror, cum ab illo veneno alij præternaturam affectus in dies maiores reddi possint, & pars in sphacellum verti, a quo postea suborto vitales facultates labefactari magis poterunt, quam a solo veneno in ulcere impresso. vnde nisi veneno occurramus primum, curationem perfecte aggredi minime possumus. Et quia alij affectus sui amotionem indicant, ob id simul & semel mixtis intentionibus vti debebimus. Quoniam autem dolor symptoma est, quod illis semper associatur, & tale est, quod sæpe sepius totam ad se curationem trahit, propterea, si potis est, tollendus dolor, & illi occurrendum. Omitto alia symptomata, quæ talia concomitantur vulnera, & proculdubio illa venenata esse ostendunt, vt mens ægri stupida, sudor frigidus totum corpus inuadens, syncope, ora uulneris refrigerata, & infuscata, nigraque fuliginis per uulnus excretio. quoniam ueneno amoto, & talia symptomata amoueuntur.

DE PROGNOSTICO. Cap. VII.



PRIVSQVAM horum vulnerum curam persequar, consonum rationi mihi videtur de modo prædicendi in talibus vulneribus aliqua præfari. Scopis nanque curatiuis selectis, antequam ad vsum vocetur, prius videndum est, an id cõsequi nos possimus. Vulnera itaque hæc non alienam ab alijs prædicendi rationem habent, vt si sint magna, & partem aliquam principem obfideant, & a diuturnitate temporis malum aliquem habitum contraxerint, male de his prædicendum est, quæ admodum

admodum bene dijudicandum si secus se habeant. semper tamen difficilis pronuntiandus horum vulnery euentus est, tum quia multi simul complicantur affectus contrariam curationem exposcentes, tum quia semper venenoso halitu sunt infecta, quod uenenum in principio a naturali ualido calore reprimi posse videtur, ipso uero debili reddito reuiuiscit, atque reuertitur. quemadmodum multoties in his casibus experientia nos docuit, & de præsagio hæc sint satis.

DE HORVM VVLNERVM CVRA. Cap. VIII.



AGRESSVS vulnerum suppositorum curam, primo parte quauis lesa, transfossa, vel non transfossa, accipiet oui album, cū vitello optime concussum, illudque oleo sambucino commixtum, dein portiunculā boli orientalis, vna cum sanguine draconis assumpta, simulque mixta, omnibusque agitatis, placentulam ex stupa linea, uel canabina optime carpinatā efformet. tentaue, vel tentæ, ex tali materia conficiantur, quæ tali linimento illiniantur, & ita prima facie uulneri apponantur. Ex hoc nanque medicamento, quod singulas intentiones curatiuas assequuti simus, arbitror, ex bolo etenim orientali ueneno occurreretur, oleo sambucino igneæ uī obfisteretur, oui vitello dolor sedabitur, albumine oui, & sanguine draconis sanguinea fluxio, & calida, a qua dolor excitari, ut plurimum solet, interciperetur, & si sanguinis fluxus expectetur hoc medendi modo huic occurreretur. Si uero multa ueneni copia in uulnere appareat, uel quod multa cacochimia corpus scateat, ita ut pars a naturali suo statu recedere uideatur, tota caro liuescens scalpel

Io nouacula dicto amouenda est, dummodo id fieri patiantur circumiacentia vasa. quod cum fieri non possit, cucurbitula multa flamma accensa supra vulnus apprimē apponenda erit, leuibusque scarificationibus inficienda cutis, & iterum apponenda, vt ab illius appositione, venenum extrahatur. sed si tale venenosum vulnus, vt fieri talia vulnera aliquando consueuerunt, gangrenam minetur, ad topica medicamenta caustica statim deueniendum, quorum sylua apud omnes medicos passim habetur. & si hęc parum proficere videantur, ad ignita ferramenta transeūdum est, Hippocratis dogmate seruato, vbi imperat igne vtendum esse, quando medicamenta, & ferrum parum, aut nihil profecisse visa sint. deinde quia parti dolenti, atque debiliori ob vulnus redditæ, nec non etiam calidæ, natura copia sanguinis occurrit, vt ei opem ferat, ea propter ut huic succorum fluxioni obuieinus, cum ratione sui magnus sit morbus, & cum adsit dolor, qui admodum graue symptoma est, ex Galeno lib. de curandi ratione per sanguinis missionem, uena secunda venit, & in opposito latere tundenda, vel in remoto, & longinquo, ut reuulsionem sanguinis moliamur, hicque non in multa quantitate, ut, si fieri necessitas cogat, ab eodem latere læsæ partis mitti possit, ad hoc vt euacuatio sanguinis sequatur habita semper ratione ad virium robur, ad ætatem nec non ad copiam sanguinis per uulnus effluxam, si adfuerit. Verum ob stare posset aliquis contra ea, quæ dicta sunt circa sanguinis euacuationem, cum a nobis fuerit suppositum uenenata hæc vulnera esse, constat etenim in uenenatis uulneribus non ita tuto sanguinem mitti posse. Huic itaque obiectioni ira respondeo, quod cum dicatur in uenenatis uulneribus non esse secundam uenam, intelligi id debet de ueneno a tota substantia, & non de halitu uenoso, nam uenenum a tota substantia citissime repit ad cor. halituosum nero hoc uenenum non

non ita cito cor in *adū*, & cūque de p̄ansa in sanguinis missionē non tantum imminet periculum. Præterā si cucurbitula vbi dubitatur magis de actuali ueneno apposta affectæ parti valet uenenum extrahere, ergo sanguis mittendus: quinimo dico debere omnino mitti propter afflūsum prauorum succorum ad partem læsam, a quibus pars inflammationē correpta aliquando in gangrenam, & sphacellum trahi potest. quare cum alijs credo sanguinem tuto mitti posse. Adnotare vero placet, quamuis hæc omnia corpus internæ respicientia per accidens à me dicta sint, quod ante sanguinis missionem opus est ægrum, uel clystere, uel minoratiuo medicamento, soluente dicto, uti. His peractis, ut pars dūtaxat ab omni fluxione libera permaneat, quoad fieri possit, defensiuo proprie dicto medicamento locus affectus muniendus est circum circa: hocq; dico quia non semper potest membrum læsum circumuolui, cuius appositionis notæ hæc erunt, quod non immēdiatē supra uulnus applicetur, alterum quod ubi uasa exterius patentiora sunt, atque sub cute apparent, ibi apponatur, quod si hæc duo minime assequi possimus, per quattuor digitorum spatium ab articulatione qua distans est apponendum. notandum etiam uolo, quod defensiuorum magna est sylua, pro ut diuersa est regio, anni tempus diuersum, diuersaq; ægro tantis, ætas, atque natura, nec non etiam affectarum partū situs, eius tamen quo frequentius utor inscriptionem tradam. & est.

Rec. Boli arm. orient.

Sangu. drac.

Pulu. myrtilorum

Balaustiorum

Gallæ immaturæ

Ol. ros.

Myrthini

} añ. drac. r.

} drac. 5.

} drac. i. 5.

Aceti

Aceti acerrimi quantum sit satis. Ceræ albæ drac. 2. Mis. & form. defensuum ad vnguenti solidioris formam.
 Circa tale medicamentum opponi potest, quod olea ista quamuis refrigerare habeant, atq; adstringere, tamen oleo ginofirate sua partem magis laxare possent, cum calefacta sint, simulque vasa cuti subiecta, unde vel penitus dimittenda olea, vel eorum vice oui albumen assumendum, vel succi herbarum refrigerantium, & adstringentium, ad hoc respondet, quod hieme defensiuo cum oleis parato, & in corporibus mollioribus utendum. Attate uero, & ubi corpora sunt dura, succis utendum. ut sunt succus plantaginis, semperuicæ, solatri, & id genus similibus, oui albumini commixtis, absque vlla oleorum permixtione. Quo defensiuo utoretiam ubi a vulnere quopiam adsit timor, alicuius sanguinis profluuii, vel ubi magna adsit ad vlcus fluxio, succi namque isti cum oui albo maxime adhærent affectæ parti, & vi sua adstringenti, magis quam olea, vlceri pro sunt, quæ admodum refrigerando maiorem percutiendi vim habent. Attamen vnum tantum circa primum medicamentum adnotare libet, quod medicus illo utens sæpe permutare debet, propterea quod olea, vt dictum est, calefacta attrahunt potius, quam refrigerent. Non desunt præterea alia defensiuæ, quæ, cum minime artificiosa sint, examine non indigent, qualia sunt, posca, decoctum balaustiorum, hyppocistidis, mirtilorum, gallæ immaturæ, omphacium, & demum succus malorum punicorum acidorum, quibus omnibus puris, & non prauis succis relatis linteola madefaciendo, & parti, vt dictum est, adaptando tuto utimur. Postea vero antequam vlcus curandum aggrediamur, prius victus ratio (dieta dicta) examinanda se offert, quæ tanti est momēti, vt ab Hippocrate semper plurimi facta fuerit,

tam in omnibus morbis, quam in vlceribus ipsis, quemadmodum in lib. de vlceribus patet, vbi inquit, aquam potare, & parum comedere, quam maxime confert. Neque tacebo, sanguinis missionem, atque aliorum medicamentorum vsum absque diæta parum facere posse. Si enim quantitas, & qualitas succorum prauorum sanguinis missione, & pharmaco demitur, prauo victus regimine adaugetur, & quantitas multitudine, & qualitas malorum ciborum qualitate progignitur; Neque inflammatio cohiberi absque diæta potest, vt ex Galeno quarto Methodi. & Celso lib. v. cap. xxvj, vbi in inflammatione euitanda victus rationem optimam tanquam scopum habent. Neque dicere obstat, victus rationem diætam dictam inflammationi cohercendæ, atque intercipiendæ parum aut nihil facere posse, quia neque vi reuulsoria reuellit, neque fluentes succos ad affectam partem euacuat: ad hoc enim ita respondere possumus. non posse negari victus rationem diætam dictam neque reuellere quod influit, neque euacuare per se humores posse. Attamen si consideremus diætam paucam quantitatem sanguinis gignere aptam natam esse, iure merito inflammationi occursuram esse credetur, & fluxioni quorumcunque se interponere, vnusquisque per se existimabit. Reddit nanque naturam ad pugnandum validiorem contra prauos succos, cum non habeat multum distrahi circa ciborum concoctionem. Quare cum facilius sit, & commodius hostem extra mœnia retinere, quam ingressum expellere, ita quoque multum confert cibandi ratio. quæ cū in quali, & quanto consistere debeat, atque in substantia, propterea propinandus est ægro nostro cibus tenuis, & paucus, secundo loco frigidus, tertio adstringenti qualitate præditus, neque mirum esse debet, si talis cibandi ratio medicamentosa videatur, cum hoc pacto præscribatur, vt suis qualitatibus occurrat morbificis affectibus, tenuis et-

enim est, ac paucus, ne natura a suo munere auertatur. Frigidus, vt inflammationi occurrere valeat, adstringens, vt fluxionem intercipiat, natura nanque cum copiosa succorum (vt dictum est) affectæ parti seruandæ semper occurrat, si partes tam internæ, quam externæ a diætâ paucam quantitatem sanguinis procreante exinanitæ sint pro se ipsis id, quo egent, retinebunt, & ita ad affectam partem noui transmittent. Extat quoque Hippoc. auctoritas lib. de vlceribus vbi multifaciens diætâ illam magis recentibus conuenire autumat vlceribus, quam vetustis; hocque eo facere videtur, quod fluxioni obstat cum recentia vulnera fluxione magis tententur, quam inueterata. Vnde vulneratos fame affligi vult. & in eodem lib. abstinentioniam, & aquæ potum vbi inflammatio accesserit, aut impendeat prodesse tenet. Celsus vero lib. v. cap. xxvi, distinctius loquens dicebat, vbi aliquis graue vulnus acceperit a cibo tantum se abstinere debet, quantum uires patiantur, vel ita tenuè, & exiguum sumere, vt duntaxat sustineatur. Ex quibus dicendi modis colligo; cibum exhibendum esse intentione desumpta modo ab ægri temperamento facile in diætâ ferentis, tum a consuetudine, quæ cibandi rationem tenuem, & parcam minime pati queat. Neque omni tempore omnimodam, & admodum parcam in diætâ credo impensandam. æger itaque noster carnibus, & vino abstinabit, ciboque vulneribus congruenti vtetur. Sicuti erit contritus panis in expressione seminum peponum cum saccharo, pira, cidoniaque, erunt & optima poma costâ. Pro potu autem concocta aqua cum saccharo, aut acidorum granatorum vinum probatur. quia vero semper adest medicus, qui hæc magis exequetur, quam nos nunc ordine præponimus, hac formula diætandi tradita, cibationem per tempora morbi imperandam illi remittimus. & capiti huic, vbi de sanguinis missione, de cibandi modo, & de
medi-

medicamentis primo occurſu apponendis agitur, ſinem imponemus, totius corporis purgationem breuiter tractaturi.

DE PURGANDI RATIONE.


Cap. IX.



Cum medicina ad fugandos, depellendosque morbos chirurgia, diæta, & pharmacia vtatur, hætenusq; de chirurgia, & diæta pertractauerimus, nunc de pharmacia, purgatione ſcilicet, eſt ſermo habendus. Habita itaque ſemper ratione euacuandi ad ægri temperamentum, & ad vires, quæ, ſi id fieri poſſit, oſtendent, nec non etiam ad anni tempus, an hyemale ſit, an æſtium, a quibus pharmacorum indicatio deſumenda veniet, vt inceptum opus abſoluam (currenti vt fertur calamo) breuem, atque accommodatam æſtuo tempori aſſumendorum ſyruporum formam tradam, ægro iuvene exiſtente, atque temperatura calida. Hocque facio vt ordine quodam incedam.

Rec. ſyr. de ſucco boraginis	}	an. onc. j.
de ſucco cichoreæ		
vel vice illorum.		
Rec. ſyde ſucco acetosæ	}	an. onc. ij.
de ſucco portulacæ		
Aquarum lactucæ		
boraginis	}	an. onc. ij.
vel illarum vice.		
Rec. Endiuizæ	}	an. onc. ij.
Acetosæ.		
Misce pro ſy. & clarifica.		

Dosis adaugeri, & minui potest, pro ut magis ægri sensus calidus erit, & maiori portione oblectabitur; vel si tempus summum sit æstus, deinde syrupis quinque assumptis plus minusue, vt dictum est, stantibus omnibus prædictis intentionibus, tale propinabitur pharmacum.

Rec. Rhabarbari electi pull. drac. j. f. 

Cum decoctione florum & fruct. q. s. f. p.

Vel si magis placeret, propinabitur bolus cassiæ cum ramarindis; si vero frigidum sit coelum, & æger frigida sit temperie, neque febriat talium syruporum erit usus.

Rec. sy. de betonica

de mentha

vel eorum vice

Capill. veneris

de citrach.

Aquarum betonicæ

de absinthio

vel eorum vice

Capill. veneris

de saluia.

an. onc. j. H

an. onc. ij. p.

Misce, & clarifica pro syrupi. & sic pro quinque, quibus assumptis præbeatur tale pharmacum.

Rec. Elect. de succo rosarum drac. ij.

syr. rosati solutiui onc. iij.

Misce, & cum aqua cichoreæ q. s. f. p.

vel. Rec. confect. senæ drac. vj.

vel maior sit dosis, prout videbitur medico phisico præsentati, cui in hoc negotio purgationis libenter defero. Interdiu tamen, mane scilicet ante prandium, & in vespers ante cænam ellectuarij inscripti cochlear vnum assumat, cuius vis malignitatem veneficam respicit.

Rec.

Rec. facchari rosati } an. onc. ij.
 boraginati }
 pulueris terræ sigillatæ } an. drac. j.
 boli armeni orient. }
 cornu cerui præparati } an. scrup. ij.
 Margaritarū præparatarū }
 Misce & cum syrupo de acetositate citri, quantum suffi-
 cit, formetur electuarium.

CVRA HORVM VVLNERVM
 prima die transacta traditur. Cap. X.



PRIMA die transacta, & his, vt supra dictū est, constitutis, ad amouēdam stupam me-
 dicus accessurus aliud medicamenti ge-
 nus paratum habere debet, quod omni-
 bus propositis intentionibus satisfacere
 valeat. Et primo vlcus ipsum in duas præ-
 cipuas, atque genericas partes diuidendum venit, sicuti &
 medicamentum; altera quarum labia respiciet, altera fun-
 dum, & circumiacentes partes. Hinc duplex medendi vl-
 ceri intentio oritur, vna quæ ad labia, altera quæ ad fundū
 dirigitur. & quia aliquando fundum patientius altera par-
 te est, ita vt cogamur modo placentulis, modo tentis vti,
 primo inscripto medicamine tentæ illinientur, alterum su-
 pra petiam extensum labijs apponetur. primum tale erit.

Rec. butyri recentis } an. onc. iij.
 pinguedinis suillæ liquefactæ }
 ol. rosati } an. onc. ij.
 sambucini }



Virelli

Vitelli ouorum nu. iij.

Theriace el. 3. ij.

Boli orient. 3. i. f.

Misce, & cum terebinthinæ claræ optimè lotæ onc. ij. paretur digestiū secundum artem, quo vtemur, vbi carnosæ partes tantum læsæ sint, & vsque ad nonam transactam, quo tempore tota ignea vis extincta est. At quoniam dolor, tristis admodum sensatio, & symptoma vehemens accidit, quod oriri solet (læsis partibus neruosis) propterea omnibus derelictis intentionibus, illi opem ferre cogimur, cum vires prosternat, ægrotantes simul lædat, assidentēque & partes in conuulsionem trahat, & multa alia mala procreando ægrum necet. Sicque supra petiam tale extendetur medicamentum.

Rec. vng. tetrapharmaci dicti

} an. onc. j.

Rasini

de rutia

de calce

Rosati

Populeonis

Albi camphorati

} an. onc. j. f.

Misce diligenter simul.

Hocque medicamento ad extra appposito dolori pro nūc erit occursum, & alijs præter naturam affectibus vlceri commixtis. intus vero superiori medicamento addetur oleum de terebinthina, de rassa, de abiete, per ellambicum extractum, vel accipiat ol. scorpionum vetus.

vel Rec. ol. ex vitellis ouorum

ol. Hypericonis

Butyri recentis

} an. drac. j. v.

Misce & conficiatur linimentum molle.

Vsum

Vsum quoque cataplasmatidis alicuius laudo, vt dolor tollatur, vel amolliatur; a Galeno doctus iij. de compositione medicamentorum per genera, qui in doloroso neruorū vulnere, cum videret medicamentum siccans non proficere, quia saniem non euocabat, dogma Hippoc. sequutus in lib. de vlceribus, vbi inquit, si vis dolorem sedare, cito supura, mutato consilio ad emplastri vsum optimo cum successu se conuertit. quare vsum emplastri ex Altheæ radicibus coctis cum butyro atque hordeacea farina paratis laudo, nec non etiam ex vfu in similibus affectibus est mihi. Summe etiam confert olei communis tepidi membro affecto longa perfusio, dummodo vlcus non tangat, ol. etiam rosati completi tepentis embrochationem super affectum membrum factam commendamus. Emunctorijs quoque affecti membri, vt erunt axilla, vel inguen, talis inunctio calida conferre videtur, & est.

Rec. ol. Hypericonis

de terrestribus lumbricis } an. onc. ij.

Camomillini

Liliorum alborum

Costini

Vulpini

Irini

Castorei recentis 3. ij.

} an. onc. j.

Misce, & cum cera fiat linimentum molle, quo tepido bis & ter inungantur. Emunctorijs dictis postea lana succida dicta, vel molle oesipum supra paruum linteum apponatur. Aetius magnæ auctoritatis vir vult Anethum, & mentam in oleo coqui, deinde in vulncribus neruorum instillati. Rasis vero xii. sui continentis ol. lumbricinū per se tantum laudat. Auicenna balsamum commendat, quo cum

cum nunc careamus, extracto ex myrrha, quod extractum myrrhæ vocant vtimur. Verumtamen unum adnotare volo, quod semper medicus doloris causam respicere debet, vt illam cognoscat, quæ causa cognita, atque optime perspecta tollenda est, non respiciendo tempus morbi, neque ætatem, neque alia. Propterea quod dolor vnum est symptoma, ægrum in omni statu crucians, atque omni tempore, & omni ætate. Hoc tamen verum est, quod conuulsiones hyeme magis procreantur, quam æstate, & in senibus potius oriuntur quam in iuuenili ætate constitutis. Hæcque pauca de dolore sedando, pro nunc sufficiant, atque de vlcere vsque ad nonam diem curando.

DE VLCERIS CVRATIONE

transacta nona. Cap. XI.



VLCERE, vsquequo eschara deciderit, hoc pacto curato, cum alio modo tempus præscribi non possit ob diuersam ægrorum naturam, ætatem, atque affectarum partium sedem, & anni tempus, vlcus examinandum diligenter a medico venit. vlcus dico, quia a materia purulenta, quæ excernitur, vulnus in vlcus degenerauit, & primo animaduertendum venit, an vlcus istud sordidum sit, necne, an cauum, an lene, & illo ad has species accommodato; vlceris cura inchoanda est, superioribus intentionibus amotis, & si sordidum sit quod statim his vlceribus accidere solet ob lenientium medicamentorum vsu, tunc abstergentibus vtendum censeo. Si cauum o carne replendum, si lene cicatricandum, semper intenutine curatiua deducta a contrario affectu. Abstergendum

gendum itaque erit ablutionibus, atque medicamentis id facere aptis, natisque, ut erit ablutio ex aqua hordei melle rosaceo simplici commixta, & alijs similibus medicamentis vlcera abstergere valentibus, consilio semper directo ad maiorem, minoremque sorditiem, qua vlcus polleat, secundum quam maiora, minoraque medicamenta exigit. Ad cauum vlcus curandum carne illud replendo, cum abstergentibus vtamur, de illo nunc nihil dicam, tollenda nanque de medio sunt impedimenta, ut sordes, & similia, ad hoc ut caro in cauo vlcere regenerari possit, hæcque topica, & localia medicamenta dicuntur. quo vero ad illa, quæ internam causam respiciunt, ut purgationes, & victus regimen optimum, de his cum satis abunde sit pertractatum, vnum hoc adnotare placebit. Quod cibus in tali casu assumendus crassior, & copiosior esse debet, ex Hippoc. doctrina lib. de vlceribus, vbi vult pro inædia intelligendum esse paucum, & tenuem cibum, & magis recentibus conuenire vlceribus, quam inueteratis, hisque præcipue vlceribus, in quibus caro regeneranda venit, quia si caro regeneranda est, a sanguine copioso regenerari debet, & si optima a sanguine optimo, secundum deperditæ carnis exigentiam, quemadmodum inflammatio si arceri debet, a cibus paucis, qui paucam sanguinis copiam gignant, cohibetur. Et cum duo excrementa vlceribus propria semper sint, & illis fere communia, atque familiaria, quæ primos scopos vlcera curandi ostendunt, vnum tenue, alterum vero crassum, iccirco exsiccandum est cum abstersione, quæ duæ actiones vtique a medico peraguntur ope medicamentorum id efficientium, & quamuis caro absque alicuius adminiculo regenerari possit, nihilo tamen minus optima dici non meretur, quia alba, & humida est. Aliud quoque adnotandum venit, quod scire non sufficit exsiccandum, & abstergendum fore, vtrum quantum etiam exsiccandum,

Dum,

*Paucum et
tenuem cibum
conuenit*

*Excrementa
duæ actiones
remouendi car-
nem*

dum, & abstergendum sit, non ignorandum est. Cum immodica medicamenti exsiccatio aliquando vim regenerandi carnes absumat. Itidemque de medicamento abstergente dicendum est, par nanque ratio militat, quia abstergens validum non solum sordes abstergit, verum nimia vi sua absterforia tenellam carnem absumit, atque detrahit, quapropter ex Galeno nota exsiccationis partis temperaturam sequetur, vt scilicet si pars affecta sicca sit, medicamentum per vnum tantum gradum exsiccare debet, vt quæ sicciores sunt partes siccioribus medicamentis gaudere procul dubio sciamus, quæ vero molliores minus sicca medicamenta desiderare, & ita temperaturæ in uniuersum molliores, & sicciores, & medium inter has locum habentes secundum sui naturam expostulabunt medicamenta ex Gal. iij. methodi cap. ix, & demum temperato semper vtendum medicamento potiusquam alio, quia quamuis inter se natura, atque temperamento differant, attamen, cum sint simul mixta, temperatum corpus in uniuersum efficiunt, & hac de causâ temperata quoquo pacto pars affecta dicitur, & ob id medicamentum quod vsui esse debet temperatum sit necesse est, semper tamen ad siccum vergens propter vlcus, nam sano siccum propius est, humidum vero non sano. Ad medicamenta modo sarcotica, id est carnem regenerantia deueniens, quoniam multa, & diuersa admodum sunt, tam simplicia, quam composita, quibus passim vtimur, illa in duas classes sunt diuidenda, alia nanque arida sunt, vt pulueres, alia humida, vt linimenta, & pari ratione alia mitiora, alia validiora. Arida mitiora sunt, thus, mirrha, & eorundem fuligo, farina fabarum, hordei, pix arida, lignorum caries, orobi farina, & sanogræci. Validiora sunt, aristolochia, iris, farina erui, cadmia, pompholix, vlmii folia in pulucrem redacta, aloes, plumbum vstû, quæ omnia a Galeno in lib. de medicament. facultatibus habentur,

habentur, nec non a Dioscoride. Humida vero & illa duplicem diuisionem habent, leuiora nimirum & validiora. Leuiora sunt butyrum, humida aſipus, pix liquida tam naualis, quā colophonia dicta, terebīthina, raſina, abietina. validiora ſunt, quæ in vnguenti, vel linimenti formam cōpoſita ſunt, vt vnguentum aurenū dictum raſinum, vnguētum de betonica, vnguentum de matreſilua, vnguentum baſilicum, ita ab Arabibus vocatum, quia regiam poteſtatem poſſidere inter cætera vnguenta videtur. Vnum tamen adnotandum venit, quod ſunt, qui nolint vbi vlceri cōiuncta ſit inflammatio, talibus vtendum medicamentis in principio eſſe, quod nos ex Galeno iij. methodi ſi alijs medicaminibus inunguntur tuto fieri poſſe aſſerimus, cum præcipue alia medicamenta inflammationi reſiſtere valeant. Neque ſolum illo in loco videtur Galenus refrigerantibus vſus eſſe, vt mandragora, & hyoſciamo, quæ quamuis aliqua ſiccitate prædita ſint, nimis tamen refrigerando partem vlceratam afficerent. Sed ſi quis dicat hanc Galeni ſententiam ipſi repugnare, qui primo quoque de medicamentorum cōpoſitione per genera habuit, vel repellentibus per initia in vlceribus vtendum eſſe, ne inflammatio ſuboriatur. Reſpondeo, nos extra principium vlceris eſſe, ita vt ſuborturam inflammationem non timeamus, & ſi qua adſit inflammatio, illam potius alijs humoribus commixtam eſſe credendum eſt, quam per ſe exiſtere, qui humores potius laxantibus, quam refrigerantibus egent ſimpliciter, quorum medicamentorum vſum non in ſcribo, quia perfecte præſcribi non poteſt, ſed iudicio præſentis medici ſubijciuntur. & vt in cōcepto ordine pergā, repleto vlcere carne, ad medicamenta cicatrizantia appellata tranſeundum eſt, vt quod in hoc vlcere vltimo loco eſſe faciendum venit perficiatur. Circa quod dico, quod horū medicamentorum viſ exſiccando, atque adſtringendo cō-

fistit, vnde idem ordo, & horum medicamentorum est qualis fuit superius enumeratorum, nimirum quod alia magis, alia minus adstringunt, atque siccant, & primo vt enumerare leuiora incipiam, & deinde ad minus sicca sermonem meum dirigam, inter mitiora erit, triapharmacum medicamentum, enumeratum a Galeno primo de compositione medicamentorum secundum genera, quod medicamentum quia multipliciter paratur, ita quoque est ad multiplicem vsum, prout magis, minusue concoquitur. Et ex hoc colligi facile est, valere posse ad cicatricem inducendam mollioribus, atque duris corporibus, huic succedit vnguentum de plumbo dictum, de tucia, album, pauli. Validiora sunt, dia calcitecs, aliter diapalma dictum, a Galeno tantis laudibus decantatum, vnguentum de cerusa cocta, Ceratum ex minio, ex tutia, ex cadmia, isis, & in summa alia ceratorum genera, quæ apud quamplurimos ad hunc vsum sunt parata. quæ pauca ad vlcus sordidum, & cauum curandum dicere libuit.

DE VLCERIBVS QVÆ DIFFICVLTER

cicatricem admittunt. Cap. XII.




Vt fere per accidens sit mihi de vlcerebus sermo habendus, nunc ad vlcera, quæ difficulter cicatricem admittunt, est sermo conuertendus. haftenus enim de vlcere, quod facile, vt ita dicam, cicatricem admittit, me egisse credo, neque aliquem vlla admiratione corripere censeo, si hæc pertractare intendam, cum vulnera sclopetorum, atque archibugiorum ab alijs non differant, nisi ratione principij sui, quo ab alijs diuersam

uerfam curandi rationem requirunt, vnde & in vlcera hæc degenerant, nec non in contumacia, atque rebellia, aliquando in fistulas, atque sinus vertuntur, de quibus omnibus necessaria erit pertractatio, quemadmodum etiam ex necessitate, de vulneribus has cavilates humani corporis oblædentibus pertractabitur. & vltimo loco de ossium cōtinui solutione peragetur. Vlcera itaque hæc, quæ difficulter cicatricem admittunt, quia ex se ipsis, quod sensu apparet, nullum impedimentum habent, ob id causa indaganda venit, a qua tale impedimentum oriatur. Duplex nanque est, primum est quando a toto corporis habitu fluxio facta est ad vlceratam partem. Secundum, quando particularis aliqua, & specialis pars ad vlcus humores demandat, qui postea, quoquo pacto transmissi sint, ita partē afficiunt, vt cicatrizari non possit. Vnde adnotandum est, quando humores sensibiliter ad affectum locum demandati fuerint, quod aliquem tumorem excitare debent, qui tumor vlcere prius curandus est, quod de varice dicendum est ex Galeno, & omnium consensu. Secundo loco etiam est, quando pars affecta prauum aliquod vitium contrahit, a quo succus quamuis optimus ad alendam partem transmissus vitiatur, vel est etiam, vt Galeno videtur commento vi. Aphorism. lv. aliquod vitium in subiecto esse contractum, a quo cum vapores eleuentur maligni, & tetri, caro superposita vitiatur, in prauumq; consensum trahitur, ita vt oriundæ cicatrici obstitat, vel subortæ in causa sit, vt iterum erodatur, quapropter cum tota difficultas in casu isto sit partim fluxio, partim malus habitus in parte læsa contractus, hæc de re primo fluxioni, mox malo habitui danda est opera. Fluxio itaque in via intercipi debet, vel ab affecto loco humores sunt auertendi, & quia a principio de omnibus his fuit pertractatum, restat nunc vt ad topica medicamenta breuiter deueniamus, supposito semper

per quod medicamenta exsiccantia, & adstringentia apta sint non solum fluentes materias intercipere, verum partem affectam in suo statu seruare, præsertim cum moderate siccent, atque abstergant. modo, vt ad vlcus, quod difficulter cicatrizari potest, sermonem incum vertam, cum duplex medicamenti genus ad hoc faciendum habeatur, alterum, quod malignis vlceribus opitulatur, & est valde siccans; alterum minus siccans, quod non malignis vlceribus prodest, aigumento deducto a minori ad maius vnum adnotandum venit, & est, quod tale medicamentum siccans absque morfu debet esse, neque multum adstringens, quemadmodum visus est Galenus velle primo de compositione medicamentorum secundum genera, quo in loco vult valde adstringentia medicamenta facile vlcera exasperare solere, & eo magis si cum morfu siccent, quemadmodum valde exsiccantia faciunt, a qua exasperatione inflammatio suboritur a dolore excitata, quæ inflammatio, cum partes circumpositas extendat, in causa est, vt difficulter cicatrix inducatur. Notandum est quoque, quod difficulter medicamenta vlceri apposita cognoscuntur, quoniam medicamenta, quamuis mordicent in principio, parum tamen vel nihil mordere videbuntur, quia a copia virulentæ materiæ illorum mordacitas obtundi potest, quare cum diffinitus modus his vtendi per se describi non possit, medici industria huc tendit, vt scilicet impressio, & mutatio in vlcere a vi medicamenti facta obseruetur, quæ, cū detrahitur medicamentum, statim apparet, atque videtur, & ad aliud medicamentum deuenire necesse erit, quoniam transacto illo tempore, vel excrementorum dempta copia, tale medicamentum vlcus amplius suffere non valebit. Galenum itaque sequens, primum medicamenta, quæ his vlceribus curandis commoda sunt, exponam, oleo, & cera commixta: & vt a metallicis exordium ducam, prima est cadmia,

cadmia, quæ citra morsum desiccandi vim habet, & modicam, de illa loquor quæ in minieris reperitur, nanque si diutius extra suum locum seruetur, vel abluatur, eius facultas vitiatur, quia non siccat, vti faciebat, & quia, vt dictum est, modice cum siccet, si ut magis siccet, & copiosius intendamus, aceto acerrimo. vel giluo vino adstringenti facultate prædito abluenda est, quæ chalciti magis vsta siccat. & eo magis si ignis facultatis non sit expers, si vero illa abluatur minus siccabit, & in eadem sunt sylua calcanthum, misty, sorynisi quod alterum altero magis siccat, atq; adstringit. Diphiges etiam a Galeno inter medicamenta vlceracurantia, quæ ægre cicatricem inducunt, enumeratur. Et quoniam sæpe his vlceribus caro mala supercrescit, medicamentis indiget quæ illam absument, vt sunt arugo, viridæ æs, alumen combustum, quæ modo per se sunt ex usu, modo alijs commiscenda, multa etiam alia sunt simplicia ex Galeno iiii. de compositione medicamentorum per loca, & ex Dioscoride vt lètes, ciceres, lupini, isaridis, & multa alia quæ breuitati studens omitto, cum nostrum institutum sit vulnera bombardica curare, & quæ illa sequuntur. & ita ad aliam vlceris speciem curandam me conuertam.



DE VLCERE CONTUMACI, ET REBELLI
curando. Cap. XIIII.



MAGIS ACTENVS de vlceribus, quæ cicatricem difficile admittunt, satis superque pertractatum est, nunc vero quia aliquando accidit, quod vulnera supposita diuersam a sui natura naturam nanciscantur, ea propter de vlcere contumaci atque rebeli curando est mihi nunc animus pertractare. nolo enim (si fieri per me possit) aliquid in præsentî curatione desiderari. Constat igitur quod vulnera hæc a qualitate venefica aliquam malignam naturam semper sapiant, & quoniam a prauorum succorum affluxu id fere semper oriri videtur, & præcipue cum inflammatio pituitam, vel sanguinem atrabilem secum duxerit, ob id secundum maiorem minoremque horum chimorum affluxum, magis vel minus contumax dici meretur vlcus, magisque gangrenosum, & minus gangrenosum, & ita res quandoque fert, vt morbus in sphacelum desinat. Fluxione itaque ab vlcerata parte exclusa, atque malignitate cum gangrena etiam ex spirituum vitalium extinctione oriatur ad medicamenta localia, quibus passim medici vtuntur deueniendum est, consilio directo ad omnia ea quæ insigniter siccant, prout a talibus vlceribus semper maligna, atque ichorosa humiditas excernitur. hoc tamen adnoto, quod interdum simplicia per se satis sunt, interdum vero alijs commiscenda sunt, vt Galenus vi. de composit. medicamentorum secundum loca velle visus est, quod tum ratione affectus elicitur, tum ratione naturæ totius corporis, temporisque, & reliquorum, quæ talem indicandi rationem habent, qualem medicamentorum

mentorū varia, & accommodata compositio, & syme-
tria, vnde pro scopo, ac fine in vniuersum statuendum ve-
nit tale medicamentum vlceribus contumacibus atque
gangrenosis valde siccans debere esse, etsi cum paucō mor-
su sit, esse nanque haud poterit, quin tantæ humiditati ali-
qua sordes coniuncta sit, ob id abstergentia medicamen-
ta huic exsiccanti valido commixta inutilia fore non vi-
dentur & si tale medicamentum valde siccare dicimus, nō
tantum huic adeo putredinoso vlceri confert, sed etiā flu-
xioni succorum obstabit, & quia ab insigni humiditate a
putrido calore progenita pars exulcerata a suo naturali
statu recessit, hinc oritur, quod medicamentum istud sic-
cans, & de necessitate adstringens partem in suum natura-
lem pristinum statum perducere aptum est; & si non ex to-
to saltem pro parte id facere valebit, vnde nos aliquando
ad faciliorem curationem tali vtimur medicamento.

Rec. fol. Iapatis acuti

Scabiosæ

Plantaginis.

} añ. m. ij.

decoquantur in aqua optime salita.

Ol. myrthini drac. iij

Farinæ hordei

Orobi

Fabarum

Lolij

Lentium

Cicerum.

} añ. onc. j.

Salis communis optime contriti parum.

Misce, & forma emplastrum, quod affectæ parti appona-
tur tepidum. neque dicere obstat nos in medicamento
ad vlcus putridum parato vti oleo cum ex Galeni doctri-

na iij. de compositione medicamentorum secundum genera, ubi Hippocratem sequi videtur in lib. de vlceribus; apparent omnia laxantia, atque oleaginola vlceribus aduerfari, & inimica esse. Nam per eundem Galenum respōdetur, qui in libris de medicamentorum compositione oleum, & adipem aliquando in medicamentis conficiēdis assumit, non vt medicamentum vlcus curans conficiat, sed vt sibi paret opportunum medicamentum, & his, vires acutum valde simplicium obtundat. Et præsertim quando partes neruosa affectæ sunt, quæ vt plurimū illæ sunt, quæ a gangrena corripuntur, vt frigidiores alijs. Aegyptiacū vnguentum vtile admodum est, præcipitatum aliquo lenienti medicamento commixtum, vnguentum quod ex viridi æris conficitur, & auripigmento. Et aliquando ad tantam deuenit putredinem vlcus, vt sphacellū minetur, & tunc sublimatum cum alumine combusto exigit suillæ assungia, butyroque commixtum, & vltimo loco ad ignem deueniendum sit; quæ omnia putredine non ita configniter vigente, alijs commiscētur, vt admodum valida putredine existente istis per se ipsis vtendum est supra filamenta extensis. at putredine amota, quia semper prauus aliquis fomes in supposita carne remanet, a quo non ita facile cicatricem admittere possit vlcus, ad alia transire medicamenta necesse est, quæ absque morfu siccant, maiori tamē siccitate polleant oportet, quam illa, quæ alijs vlceribus adhuc vltimum esse dicebamus. Mollioribus itaque corporibus ceratum diapalma conueniet, & ex cadmia, ab Aui-cenna iij. quarti enumeratum, opportunum erit, & vnguentum isis, & ceratum gratia Dei, sic dictum, medicamentum quoque ex vera pompholige oleo masticino commixtum probatur. Postremum meum hoc vnguentum inscribere volui, quod vltimas non possidere partes ex vfu didici.

Rec. ol. amigd. dulc.

Vnguenti rosati

Vnguenti rasini

Præcipitati electi

Ceræ parum.

} añ. onc. j.

} drac. iij.

Misce & igni apponantur omnia præter præcipitatum, & cum feruere inceperint immittatur præcipitatum, & semper agitentur baculo, vsqueque tepidum remaneat, postea aqua plantaginis lauetur. Supra filamina autem vel supra petiam extendi debet, & hoc alijsque medicaminibus, quæ breuitatis causa prætereo, nos putrido vlceri tuto opem ferre posse arbitror, sed iam de sinuoso fistulosoque vlcere loquamur.

DE SINUOSO VLCERE ATQUE FISTULOSO

Cap. X I I I I.



VLCERA, quæ agre, atque difficulter pristinam sanitatem admittunt, in duplici, & ipsa sunt discrimine quo ad sui qualitatem, alia nanque plana sunt, alia non tantum cava, verum etiam sinuosa. & inter sinuosa, quibus obductus est callus, & inter hæc, quæ suppositum os corruptum habent, cum etiam callosa sint. Sinuosa itaque vlcera illa erunt, quæ cavitatem manifestam habebunt cute testam, quibus osculum angustum est. Et quia Galenus lib. de tumoribus præter naturam dicebat fistulam esse sinum angustum, & oblongum, ideo sinus genus erit sub se fistulam quasi

speciem continens. quamuis fistula ex eodem Galeno ij. prognosticorum a figura tale sortita sit nomen. instrumentum nimirum oblongum, angustum, & excauatum, musicum imitans. Causa sinuum est purulenta materia cutim excauans, atque lacerans, illamque ita segregans, atque disiungens, vt minime per se in pristinum statum reduci possit. ex quorum affectuum mala curatione, & callus contrahitur, & in fistulam desinit. Sinus quoque ex aperto abscessu, excretaque materia oriri dicitur a Galeno commentario xxvij. libri ij. de his, quæ in medicatrina fiunt, quo in loco dicit, abscessum disiectum non amplius abscessum, sed sinum appellandum esse. Verum quia quandoque ex magnis contusionibus oriuntur sinus, quemadmodum fieri consuevit in vulneribus quando putrescere incipiunt; ex Hippoc. dicente omne contusum necesse est putrescere, & in pus conuerti; & in eodem libro a collisione, & casu cutim separari vult, & sinum procreari, hac de causa illorum pertractatio necessaria est, cum talibus vulneribus contusio adiuncta semper sit. Sinus itaque aut rectus erit, aut obliquus. ad latitudinem, cuius talis inchoabitur cura. Vel enim integre illum curare intendimus, vel fictitio modo: quemadmodum à Galeno docemur in lib. de tumoribus præter naturam. Recte quidem curamus sinum, quando partes disiectas, & a se inuicem abscissas iungimus, atque agglutinamus, ita vt inter illas nulla intersit cavititas. Fictitius vero curandi modus est, quando inter eas partes aliqua remanet cavititas. Fistulæ vero & ipsæ curantur calum amouendo, cum is pro parte curationem impediat, & si excrementa ichorosa, & crassa, quæ fistulæ fundo adherent, de medio tollantur. Notandum tamen venit ex Hippoc. lib. de vlceribus quod tota sinus pars superior, vel decliuius comprimenda est spongia, vel plumaccolis, & præsertim vbi pars ad varicis formam tumescere videatur, vel si

sinus

sinus fundum in decliuiori loco non habèat , tunc contra apertio efficiatur . Verumtamen antequam ad Chirur-
giam deueniatur ablutionibus exsiccantibus, & absterge-
tibus per syringam immisiss vtendum: vt ex Galeno secun-
do de Medici officina commentar. xxviiij. & mulso , & vino
multo . nos vero oximelite ebullito cum simplicibus vim
abstergendi, & siccandi habentibus in uino utimur; uel a-
qua ardens cum sarcoticis est ex usu . Vnum non est omit-
tendum, quod Galenus in lib. de composit. medicamento-
rum nolle uidetur, mariscas, & fistulas, absque optimo ui-
ctus regimine, & purgatione esse curandas; unde alter uide-
tur suboriri curandi modus, eapropter corpore peroptime
purgato exhibendā esse laudo per dies quindecim ad pon-
dus unciarum sex in mane potionem hanc, quam a patre
meo didici, & multoties felici cum successu expertus sum,
est autem talis .

Rec. Rad. Altheæ pp.

Vnifolij

Prasij

Arthemisiæ

Caulium rubcorum

Lapatj acuti

Pimpinellæ

Summitatum rubi

Rubeæ tinctorum

Aristolochiæ rotūdæ

Consolidæ minoris

Plantaginis

Matricariæ

Centaureæ minoris

Matrisyluæ

Betonicæ

Saluiæ

añ. misce. f.

Thuris

Thuris masculi	} añ. drac. f.
Sarcocollæ	
Seminū plantaginis	
Anisorum	
Foeniculi	} añ. drac. f.
Seminum canabis	
Croci	
Rhabarbari cl.	
Florum violarum.	

Misce & infundantur in libris sexdecim uini albi optimi odoriferi, postea addantur mellis despumati librę quatuor, & ebulliant ad consumptionem tertię partis.

Contra fistulas uero, quę callum diuturnum contractū habent, topicis pugnandum est, uel ruptorio nostro dicto, uel oleo de chalcantuo, uel de sulphure, uel similibus causticis ita incedendo, ut callus detrahatur, deinde ablucere illas acri lixiuio conuenit ex Galeno ij. ad Glauconem.

Auicenna uero aquam marinam laudat, & aluminosam, Aetius oximelit commendat. Ad osculum autem rubra, & fulua medicamenta laudantur, & alia medicamenta superius inscripta proficiunt. Hęcque pauca sat erunt circa sinus, & fistulę curam.



DE CAPITIS VVLERIBVS.

Cap. XV.



QUEMADMODVM accidit, quod bellicū
 istud fulmen nulli animali parcit, omnes-
 que arborum species æque lædit, ita &
 nullam corporis humani partem suo ictu,
 dum illam tangit, illasam relinquit. Qua
 propter non mirum videbitur, si cavitates
 corporis humani ordine curaturus à capite vulnerato à si-
 mili telo exordiar. Primo pro capite totum id accipiens,
 quod supremus venter ab anathomis vocitatur, qui cū
 partibus contentis, & continentibus constet, ob id duplex
 oritur curationis nota. & quia continentes sunt cutis mē-
 branæ externæ os duplex, & contentæ internæ membranę
 duplex cerebrum, cum suis cavitatibus ventriculis dictis,
 exortus spinalis medullæ cum corporibus nervosis. relicta
 cutis cura, & membranarum, cum vt alia copora carnosā
 curanda ueniant, ossis tantum lēSIONES, & cerebri persequē-
 mur. Cum os illud sit, quod primario lēSIONEM patiat,ur,
 aliquando enim accidere potest propter distantiam vulne-
 rantis, vel propter galeam in capite vulnerati existentem,
 vel propter quoduis aliud os tantum vsque ad membra-
 nas perfractum esse; circa quod excitatum vulnus omni in-
 dustria medicus vti debet, vt uideat, an præter fracturam
 in osse oculis apparentem, aliqua alia subsit in osse passio.
 Accidit enim aliquando a maximis contusionibus frangi
 caluariam alia in parte, quam ubi plaga sit ex Hippocrate
 lib. de uulneribus capitis. Neque solum sufficere uidetur
 magni Hippocratis auctoritas, uerum experientia nos do-
 cuit, dum mortuos a magno, & graui corpore læsos atque
 vulne-

uulneratos diffecamus. Videmus nanque scissuram satis ab ictu longinquam in osse excitatam fuisse, tam in opposita parte capitis, quam in opposita parte partis perfectæ. Et quoniam ab eodem Hippocrate libro citato duplicem fracturæ speciem habemus, manifestam scilicet, & immanifestam. Manifesta illa erit, quæ oculis patebit, immanifesta quæ sub cute occultabitur, & aliquando uitream tabulam ossis ita dictam supra illa permanente afficiet, rimulam capillarem in illa excitando, hæ ambæ fracturarum species facile dignosci possunt per sæua symptomata aegro accidentia, quæ uulneratis in capite a magno ictu, atque graui corpore subsequi solent, nimirum bilis, uomitus, uertigo, stupor, obmutescencia, motus & sensus fere abolitio, & alia. Circa quæ unum placet adnotare, quod uertigo, & obmutescencia superueniunt facilius ijs, qui in sincipite uulnerati sunt, quam his qui in alia capitis parte uulnera acceperunt, propter spirituum animalium concussionem, qui in anterioribus uentriculis elaborantur. Vnum quoque circa has rimulas adnotandum est, quod in omni rima, quamuis admodum angusta, si fieri possit, scalpris abraforijs uti oportet, quousque rimula deleatur, quandoque enim accidit, quod internam ossis substantiam pertrahat, & quod ichorosa materia per labia excreta per hæc quoquo pacto intra caluariam feratur, & ita mortem egro affrat. Quemadmodum ab Hippocrate in libro de locis in Homine scriptum habemus, quod per angustum intrans, & non exiens id est, quod facit furere hominem, unde tuto ad terebrationem deueniendum, & si rima aliquam futuram superequitet ad utrumque futuræ latus duæ terebrationes molienda sunt, quemadmodum si os tantum occupet simplex, in decliuoris ipsius ossis parte unica tantum terebratio efficienda uenit, ut per admodum patens orificium, qui sanguis per ossis diuisionem transmissus est, atque in-

tra

tra caluariam ad putrescendum occultatur, totus euacuetur. Quibus ita habitis, curatio, quæ in casu simili ratione, & experimento tuta habetur, non rejicitur, vt sunt in principio olei rosati tepidi supra membranas instillatio, deinde transacto principio digestium, vel linimentum aliquod arte paratum. ad hoc Galeni cephalici pulueres supra os inspersi probantur, ad extraque vnguentum de betonica, vel de matrisylua laudatur; & ita vulnus curandū veniet per sua tempora abstergendo, exsiccando, & vltimo loco cicatrizando. Ad vulneratum modo cerebrum me conuertens dico, quod duplices possunt esse læsiones cerebro impartitæ, ambæ admodum detestabiles, atque omni spe destitutæ. Si nanque vulnus intimas admodum partes cerebri petat, & vsque ad ventriculi cavitates feratur feriens corpus, nulla profecto in hoc casu cura indigemus propter partium nobilitatem, atque malignitatem veneficam a globulo illis impartitam, patet nanq; omnibus medicinam profitentibus in ventriculis cerebri spirituum animalium elaborationem fieri, vnde non desunt, qui ex hoc crediderint animam in cerebro residere. Sed de medullaris tantum cerebri substantia ab hoc fulmine bellico passa sit, & vulnus istud læthale est tum propter veneficam qualitatem cerebro impartitam, vt iam suppositum est, tum propter contusionem a qua, quia cerebrum corrupti, & in sphacelum vertè potest, tertia die mortem subsequi necesse est, Hippocrate dicente septima particula aphorism. xl. quibus cerebrum corruptum est hi tribus diebus pereunt. Cura igitur horum vulnerum a principio erit aggredienda cum oleo rosaceo, vitello oui commixto, vel oleo extracto es ouorum vitellis in principio illa instillando tepida in vulnus. Progrediente vero tempore quoniā cerebrum de facili corrumpitur, vsus olei de hippericone, magistrali dicto, probatur, si melli rosaceo admisceatur, &

ad extra superius dictis medicamentis vtamur. Verum enimvero placet nunc vsum cuiusdam olei de perforata magistralis multum Reuerendi Domini Simonis Gillini Canonici Ferrariensis, & ad chemicam Serenissimi Ducis nostri præpositi in medium afferre, vt ex hoc pateat ex vni co medicamento posse nos multas intentiones curatiuas, & scopos assequi. Dum iunior essem tempore Excellentissimorum virorum Multum Reuerendi Domini Ioannis Baptistæ Canani, Domini Renati Brasauolæ, & Ioannis Boschi Patris mei, quædam ancillæ iuuenis in ædibus perillustis Domini Alexandri Andreaeij decumbens casu in sinistra temporis regione in capite pila ex tormentario isto fulgure emissa vulnerata fuit, ita vt specilo in vulnus intro misso medullarem substantiam cerebri passam fuisse visum sit. Huic à principio vsque ad diem vndecimam, qua mortem cum vita commutauit oleo superius dicto de perforata mederi vidi, quæ nullo alio symptomate erat correpta, præter ea à quibus vexari solent, qui telo isto vulnerantur, quam stupore quodam. At si quis dicat medicamentum hoc suppositis a me principijs contradicere, cum primo supponā vulnera hæc veneno obfistentibus, nec non igneæ vi, & suppurantibus indigere. Ad hoc respondeo quod si tale compositum medicamentum diligenter perpendatur, ex illius vsu omnia hæc assequi poterimus, constat enim tale medicamentum tanquam ex basi oleo de oliuis veteri cui infunditur herba, & flores Hippericonis, folia centauræ, cardus benedictus, & alia simplicia, quæ ueneno obfistere creduntur, gummata non desunt aliquæ, quibus suppurandi uis, & abstergerendi inest. resina strobilina, & laticina immittitur, quorum facultas est attrahere. Vnde cum igneæ vi moderate calefacientibus occurramus, & veneno superius dictis herbis satisfactum sit, contusioni suppurantibus, hoc vni co medicamento omnibus his intentionibus

tentionibus &que satisfactum censeo, & quoniam calidum
in secundo gradu est hoc medicamentum affectam partē
in suo naturali statu seruat, natiuumque calorem fouet,
& alia facit, quæ vt recenseantur, præsentis non est nego-
tij, omnibus nanque illo vtentibus manifeste patent. Hoc
profecto de ipso non reticebo, quod in ossibus detectis at-
que a carne per vlcus denudatis multum proficere vide-
tur, neque alicui mirum videbitur medicamentum
actu humidum, atque oleosum ossibus non ad-
uersari, cum Galenus isidi medicamento
actu humido ossibus aliquando me-
deatur. Multa in hoc tractatu
à me dicēda essent verum
quia ad alia pertra-
ctanda proposi-
tus me or-
do
vocat sermoni huic de capitis vulne-
ribus imposito sine ad alias ca-
uitates curandas, quando
à simili telo transfo-
sæ sunt, sermo-
nem conuer-
tam .



DE THORACIS VV LNERIBVS.
Cap. XVI.



VM hæc vulnera thoracis non genere vitij à superioribus differant, sed ratione tantum curationis, quantum partes læsæ postulant, ob id thorax ipse duplicem, vt de capite dictum est, considerationem habebit. Primo enim diuidetur in partes contentas, & in partes, quæ continent. Insuper continentium partium aliæ carnosæ, aliæ osseæ sunt, & cartilaginossæ, & membranossæ simul. internæ partes nullam inter se diuisionem patiuntur, nisi merito substantiæ, quoniam aliæ solidæ sunt, vt cor, aliæ molles, & laxæ, vt pulmo. Cordis capsulam, & mediastinum omitto, quia à subcingente membrana ortum ducunt. hæc pauca præfari placet, vt facilius horum vulnere tum dignotio, tum curatio habeatur, per thoracem intelligendo ventrem medium, qui costis circumseptus est. At quoniam istud aggregatum in duas partes diuisi, in contentas nimirum, & continentes, propterea dicendum est; vulnerum horum alia penetrantia esse, alia vero non. Rursus inter penetrantia alia esse absque partium internarum læsione, alia cum ipsarum læsione. Quapropter tot vulnerum horum resultabunt species, quot partes in thorace existunt; quæ vulnerum species facile ex suis signis cognoscuntur. & primo, penetrans vulnus esse cognoscitur per candelæ, vel styli cuiusuis in vulnus immissionem. Secundo aeris per vulnus exhalatio. Circa quæ duo signa decipi aliquando possumus, quia candela vel specillum musculorum thoracis cavitatē aliquando ingreditur, & ab illa cavitare aer contentus egredi

egredi quandoque potest. Vel si thoracem ad intra penetat, tum cavitatem ipsius transfiliat, ut accidit nobili cuidam patritio, qui breui sclopeto, pistola vocitato, (cū prope admodum feriens icto stare) in anteriori parte thoracis vulneratus fuit. Huic styli magna intromittebatur portio, & multus aer per vulnus ex sufflabatur. Superuenit tandem febricula levis admodum, mitioraque fuerunt symptomata, quæ simili telo læsis superuenire solent. Nonna autem die transacta cum ad excernendas fœces e lecto surrexisset, lectum postea repetens, supinusque (quod non dictu magis quam visu mirum) præsentē Illustri, & Excellentissimo Doctore Bartholomeo Bertazzolio eius patre vitam illico cum morte commutauit, quamobrem aduentantes medici illum curaturi miserando tali casu veluti perterrefacti fuimus. visa deinde fuit pila mediastinum occupasse, quæ cum in illo contusionem, inflammationem, venenosumque halitum excitasset, non mirum si venenum cum ad cor sensim permeasset, & pila cum per corruptum mediastinum in cordis capsulam descendisset, repentinæ, ut ita dicam, in causa mortis fuere. Nulli igitur mirandum nos ab his aliquando decipi signis. candela nanque tali casu cavitatem ingressa erat, & aer in ea cavitare inclusus exibat, immo si per syringam aliquis humor intra cavitatem hanc iniiciebatur, ab hac excipiebatur, neque nisi per tussim ad extra mittebatur. His itaque se habentibus pars thoracis ubi vulnus insidet est perspicienda, atque diligenter indaganda. Alia adsunt signa, quæ thoracem ad intra vulneratum esse demonstrant, quæ in quarta, vel septima die superueniunt, ut quædam grauitas in diaphragmatis regione, dolor partem illam thotacis multum afficiens, tussis, sanguinis per tussim ex puitio, valida febris, vigiliæ quasi continuæ, appetitus deiectio, angusta admodum respiratio, contentæ materiæ per vulnus ex sufflatio, liuor

liuor ad extra apparens. At signa quæ internas partes læsas esse ostendunt, a Celso præcipue traduntur libro quinto capit. xxvi. vbi inquit, si cor vulneretur sanguis multus per vulnus effertur, color totius corporis pallidissimus est, sudores frigidi sunt, & maleolentes. Circa hoc signum autem videtur adnotatione dignum, quod vulnerato corde statim perit animal, ita ut per vulnus non possimus sanguinem fluentem videre, sed si caua vena vulnerata sit, vbi per dexteram cordis auriculam in cor ingreditur, hoc de facili accidere potest, quia non ita cito interimitur æger, & multus copiosusque sanguis per ipsam emanare potest, sudoresque tetri odoris ob natiui caloris extinctione oriuntur, & per consequens totius corporis colorem in liuidum mutari par est. Si pulmo vulneretur, & ab hoc fulmine bellico patiatur, spirandi difficultas suboritur, sanguis nigricans, & spumans per os, & per vulnus cum spiritu multo effertur, in vulnus inclinari iuuat, vnde facile loquuntur, & e contra si in aliam partem declinent, obmutescunt. Pari pacto, quibus gula vulneratur, singultus, & bilis vomitus aduenit, per vulnus cibum, & potum reijciunt, motus arteriarum languidus existit, & vltimo loco sudore diaphoretico corripuntur. Si spina vulneretur oritur nervorum distentio, illorumque retractio, sensus, & motus partium inferiorum intercipitur, interdum quoque inuoluntarij vrinam, & feces emittunt, vnde si non cito saltem interdiu pro maiori parte pereunt. Non enim possunt partes hæc tot tantaque incommoda, & mala perpeti, cum inter principes connumerentur. Ad curationem itaque deueniens, vt rem breuibus perstringam, & supposita à me principia non repetam, operæ pretium fore duco curam hanc in duo diuidere. Quorum vnum est inflammacionem tam internam, quàm externam arcere, & purulentiam ab ipsa inflammatione progenitam expurgare. quo scopo
contu-

contusioni, & veneno occurreretur. Si nanque expurgabitur quod putridum est, & ad facile putrescendum parabitur medicamentis actu humidis, quauis potentia abstergentibus, & attrahentium vsu ad extra venenum euocabimus, cum adstringentium vsus, vt boli orientalis non ita tutus habeatur. At quoniam ista purulentia descendit facileque in thoracis cavitatem colligitur, vt euacuetur, tribus est procurandum medijs. Primo per vulneris orificium. Secundo per os. Tertio per vrinam. Per os Galeenus quinto methodi cap. viij. discutientibus pugnandum esse monet: quare poscam tepidam laudat statim à principio, quam potui bis, ter ue exhibet. Et certe si in casu nostro vel bolus armenus, vel terra lemnia, vel melitenensis creta exhibeatur illam conuenire credo: quoniam cruores & escharam à pila excitatam incidet, vi igneæ ad intra immisse occurret, & veneno obsisteret desumpta à terra vel bolus qualitate veneno obsistendi, attamen si infra scripto lambituo vtetur æger profuturum arbitror.

Rec. Sy. de farfara

Iuiubini

de liquiritia

Capillorum veneris

Oximell. simplicis drac. j.

Boli armen. orient. drac. iij.

Misce & formetur electuarium.

} añ. drac. ij.

Aquam insuper communem pectoralem cum dictis syrups potatam in mane tepidam ad sex vncias vtilem fore credo. Postea cassiæ bolus, vel manna ad ægrotantis robur pro alui solutione propinabitur. interim consentiunt omnes rationes, vt apertum seruetur vulnus, ut per ipsum contenta purulentia expurgari possit. & ita secundo

do medio erit satisfactum. Supposito itaque osculum vulneris apertum esse retinendum, tuto turunda à nobis superius adnotato digestiuo illinienda venit ex lineo panno confecta, quousque eschara ad vulneris labia existens decidat, & vsquequo vulnus istud in vlcus degenerauerit, hoc nanque tempore transacto vnguento de betonica isidi commixto vtendum erit, ut ab altero materia attrahatur, & ab altero osculum seruetur apertum, ad extra vero supra petiam extendendum principio transacto tale præscribatur ceratum.

Rec. ol. communis	}	añ. drac. ij.
Sepi arietini		
Picis naualis	}	añ. drac. j. l.
Picis colophonix		
Matrices	}	añ. drac. j.
Thuris		
Galbani		
Amoniaci		
Serapini		
Misce		

Ceræ quantum sufficit ad conficiendum ceratum.

Hoc tantum vtendum cerato quousque vlcus mūdum, atque expurgatum sit, & alia peragere nos cogat necessitas, quoniam si talia vulnera in longum protrahantur, facile in fistulam degenerant. cuius cura cum antea per positiones sit sutis habita, de illa sermonem alium non habebō, abluionem tantum per paruum clysterem faciendam proponam ex vino confectam, quo rosæ, balaustia, sumachia, salsa, & ligni pauca quantitas incocta sint. Vltimum restat examinandum medium, quomodo scilicet per uiam vrinæ materia talis educi possit. Materia hæc purulenta
dum

dum intra cavitatem thoracis continetur, per venam supra dorsi spinam delatam per emulgentes ad renes ferri potest. Neque obstat dicere. quo pacto materia hæc tale ingreditur vas, cum ita dura membrana sit conflatu, vt ab illo sanguis haud egredi possit? Respondeo hoc mihi non esse si pleuritide laborantes perpendamus, materiam admodum crassam, ac viscidam, & grumofam (vt per excretum ex ore apparet) per membranam costas subcingentem duplicem permanere; & pulmones etiam ita crassa & compacta ingredi. Verum enimvero si transacto huius morbi principio diuretica in iure decocta ægro propinemus, vtique optime consultum fore existimo, cum natura viam hanc facillime reperiat, qua actiones omnes in corpore nostro molitur, atque sua vi propa-

gat. Circa hoc autem adnotandum est, quod

ægro febrienti leuia diuretica propin-

da sunt; non febrienti vero validio-

ra. Et hæc pauca circa thora-

cis vulnera curanda satis

erunt. quia ad ab-

dominis pla-

gas me

brevitatis studium

trahit.



DE ABDOMINIS VVLERIBVS.

Cap. XV II.



OSTQVAM Thoracis vulnerum curatio nem persequuti sumus, iure merito Abdominis vulnera curanda subsequuntur. & illa præcipuè quæ à pila vulnerante fiunt. Abdomen itaque illud esse circumscribendum est, quod à mucronata cartilagine ad pubem desinit. Et primo notandum differentias horum vulnerum a partibus vulneratis desumi, unde oritur quod vniuersalis differentia illa est, quæ diuiditur in penetrans & non penetrans quemadmodum thorace vulnerato accidere dicebamus. Penetrans illud esse autumamus quod peritoneo vulnerato internas partes lædit & è contra non penetrans illud esse quod neque peritoneum neque internas partes afficit, sed musculos tantum vsque ad peritoneum inclusivè lædit. Rursus esse potest quod penetrans sit cū læsione partiū internarum & absq; illarū læsione, Dixi cum læsione partium internarū quia si vis corporis huius lædentis consideretur atq; optimè perpèdatur vix fieri non potest quod tale telum impetu immisū internas nō petat peritonei partes, & nō lædat quoquo pacto partes sibi adiacentes, quæ sunt hepar, lien, ventriculus, renes, nec non intestinorum tam gracilium, quàm crassorum multitudo. Rursus adhuc duplex vulnus istud existit, vel enim est cum exitu alicuius partis, vt intestini, omenti. vel sine partium exitu. & vt facilius hæc vulnera curentur penetrans à non penetrante ex styli, aut candelæ immissione cognoscetur. quo casu candelam huic vsui magis commodam fore existimo quia cum facile flectatur, neque dura, & renitens sit vt stylus internas

nas partes minime lædere potest, & ab ingressu multo cædelæ facilis erit huius vulneris dignotio, cuius magis certum est signum digitus in vulnus immisus, aut exitus corporum ad intra existentium vel exeuntium permutatio. Cum quod exire non solebat exit, & per vulnus excernitur. vel si magnum admodum sit vulnus, aut latens id penetrare dijudicabitur. hæc omnia sunt signa, quæ à Celso libro quinto cap. xxvi. referuntur. Quemadmodum & vulnerati iecinoris signa retulit, vulnus sub dextra præcordiorum parte inflictum, sanguinis fluxus, contracta præcordia ad spinam in ventrem cubandi dulcedo, punctiones & dolores vsque ad iugulum quibus omnibus nonnunquam biliosus vomitus accedit. At si lien vulneretur, signa sunt hæc, sanguis niger a sinistra parte abdominis exit, præcordia & ventriculus ab eadem parte indurata sunt, siti ingenti vexantur, & quia proximum est lien hepatis ob id dolor ad iugulum ascendit. At si ventriculus vulneretur, & vna cum illo intestina eadem à Celso signa traduntur. nec non quod ieiuno intestino vulnerato cibus & potus per vulnus exeunt. At quamuis dicat Celsus quod cibus & potus per ieiunum intestinum exeunt intelligendum est quod de chylo loquatur, cum chylus sapiat fere naturam cibi in intestino illo contenti, & nonnunquam per os bilis exit quia cum à cystifellis deferatur bilis ad ieiunum intestinum facilis est transitus à ieiuno ad ventriculum, vt bilis per os excernatur. Si crassa intestina lædantur faeces exeunt, vel eorum odor persentitur. Renibus vulneratis dolores vsque ad testes descendunt, vrina difficulter exit aut cruenta. Vesica læsa, dolor inguina corripit, locus super pubem intenditur, vrina per vulnus exit, stomachus afficitur, bilem vomit, aut singultiunt, frigidiorque sudor totum ægrorum corpus inuadit, & tandem mors subsequitur ipsa. Multa a-

lia signa traduntur, quæ enumerare desino cum hæc pauca relata satis esse videantur. Notandum tamen, quod si talia signa non superueniant, vulneratæ tamen sint partes istæ, repentina suboritur mors. Quod mirum videtur referam, me curasse hominem à simili telo vulneratum præter alios, cui intestina in scrotum iam diu per intestinalem herniam descenderant, & vulnerato scroto ab ictu sclopetario, immo ipso amoto, resectis omnibus intestinis in illo contentis sanatus est, fistulari vlcere in pectine suborto, per cuius orificium sæculenta excrementa, quæ per aluum alias excerni solebant, excernebantur. ita vt si per aluum nihil vnquam exisset, nihil enim per aluum excernebat; uixitque multis annis hoc pacto, immo permultas peragrauit regiones. Alios etiam curavi, quibus cum fuerint intestina dissecta hæc vulneris labijs iuncta, & glutinata per fistulosum vlcus super natum excrementa continuo exhibant. nervosa nanque pars intestini carnosæ abdominis substantiæ musculorum iuncta hoc pacto fistulam vel vlcus adaperitum induxit. Ad curationem itaque me conuertens breuiter dico talia vulnera in principio proposito medicamento curanda esse, vel aliquo magistrali medicamento allato, quod si partes internæ læsæ sint scypho tale oleum in vlcus immittendum est, quemadmodum etiam alicuius ablutionis vsum non reprobo. Vti etiam tuto possumus medicamento digestiuo composito, a me inscripto, cuius vis vel mitior, vel validior quoquo pacto reddi possit sunt nanque talia vulnera composita supra petiam quoque superius numeratis medicamentis tuto vtemur, parte circumlinita defensiuo medicamento. & ita huic prauo affectui nos occurrere posse credo. Clysmatum quoque vsum probō, & illorum præsertim quæ ex vsu in intestinorum affectibus parata sunt. Cataplasmatum quoque vsum non reijcio

ijcio si parti affectę apponantur quamuis naturales partes laxare videantur. occurrent nanq̃ inflammationi muscutorum abdominis, dolorem remittent, & in summa veneficę atque igneę vi. Adnotandum porrò quod ratione humiditatis intestinorum, & frigiditatis non ita inflammatio phlogosis, adstititia dicta, pollet, neque venefica qualitas ita facile in his partibus im-primi potest. Quare non adeo mirum si sanatos viderim hos ægros facilius quam qui passi sunt aliarum partium vulnerationem, & hæc de horum vulnerum cura sint satis.



DE FRACTVRIS OSSIVM ARTVVM
cum vlcere. Cap. XVIII.



ANTA est telorum omnium, quæ impetu feruntur vis, vt ab illorum impetuoso motu percussa parte ossea corpora non solum frangantur verum in multas minimasque partes, & frustula disungi à se inuicem cogantur, quare si in casu nostro præter motum quo pilæ velociter feruntur, & aer simul illis commisceatur non solum ossa disrumpi possunt illa communi disrptione farinata nimirum dicta, quando scilicet ad modum farinæ ossa disrumpuntur, sed præter hanc & illis alia fracturæ species schylecedon appellata suboritur, aliquando à prima fractura propter aerem inclusum longe distans tam in corpore læso, quam in corpore lædenti. hoc dicere volui sententiam magni Hippocr. sequens qui quidem in capitis vulneribus à graui corpore atque contundente excitatis, alia in parte calu-
riam frangi posse vult, quam vbi plaga sit, quod non tantum à graui corpore fieri posse creditur quantum ab incluso aere, & spiritu in caluariæ vacuo ambitu contento. quo dogmate supposito facile dicere est in casu ob pilæ tormentariæ ictum duplicem fracturæ speciem oriri posse. Alteram quæ sensu patet, alteram quæ sensui occultatur. Rursus quæ sensui patet cum vlcere semper est, altera, quia sub carne latitat absque vlcere esse videtur. Notandum tamen quod non omnibus semper à simili telo vulneratis id accidit, vt scilicet hæ duæ fracturæ species simul iunctæ sint, sed aliquando ijs occurrit qui à pila sunt læsi, & ijs qui multum à feriente corpore distant.

ossi-

ossibusque multum cauis, & magnis accidit, nec non facilius siccioribus ossibus. Accidit etiam quandoq; glandem hanc vel totam ossis substantiam transfodere, vel ossi infixam esse, vel in articulo latere. quapropter quoquo pacto se habeat res os talem noxam passum propter prognosticum considerandum ducō, & ut facilius reddatur cura: aliæ nanque sunt curatu faciliores fracturæ quæ per transversum, & farinatim modo dicto incedunt, atque ab articulis satis distant. è contra vero illæ dicuntur fracturæ difficiliore curatu quæ prope articulos sunt, illis ve in sunt atque obliqua incedunt uia quæ schylecedon species appellatur. principijs nanque articulorum propagines magnæ nervorum deferuntur, & musculorum capita ab his, ut plurimum emanant, à quorum corporum læsione magni cruciatus expectantur, sæuique dolores, & febres quæ naturam malignarum febrium præferunt. interim fracturarum huiusmodi cum certa signa tradi nō possint experti Medici iudicio supponuntur, qui dum manibus affectam partem pertractat sensu conijcere debet. Quandoque etiam accidit fracturis prope articulum existentibus, ut articulus ipse sua sede dimoueatur, vel subluxetur. Articulus igitur ita affectus prius venit reponendus quam os fractum reducatur, quemadmodum de pile ossi infixæ atque hærente illi est decernendum. terebra nanque, vel tenaculis ad id aptis est euellenda, deinde ossi incumbendum; quod ut reducatur optime, rectissimis profecto indiget extensionibus ex Hippocrate in lib. de fracturis moderate tamen est extendendum propter partes musculosas à feriente corpore laceratas, hæcque omnia primis diebus molienda sunt antequam superveniat inflammatio quæ id exequi impediat, fieri namq; potest inflammationem perbelle oriri posse quia, ut iam dictum est natura dolenti, & affectæ parti succorum copia

occurrit

occurrit, vt illi opem ferat. Notandum porro quod in omni perfractio ossis in suam sedem reducto ferulis transacta quarta vtendum est. verum in casu isto in quo insignis admodum carnis attritio facta est ferulæ à principio adaptandæ sunt, quæ neque nimis moles esse debent ne os rectum continere non possint, neque nimis duræ ne sua duritie circumiacentes ossi partes afficiant atque lædant. Verum enimvero si brachium, vel crus læsa sint brachiū præter appositas ferulas pectori suspendendum est in triāguli formam. & si crus perfractum habeatur præ manibus non arcula quoniam ab Hippocr. non laudatur verum reijcitur, sed puluinaribus ex crasso papyro confectis vtendum, quæ cum nobis in vsu sint valde proficere videntur. Aliquando etiam vice ferularum paruus canalis conficitur ex crassissima charta tela cerata constructus ad læsæ partis formam, cui subijcitur modo stuppa linea, modo canabina, modo cotonis munitus vel panni linei cum cotone fulcra laudo. Vice etiam fasciæ petia linea ad affectæ partis latitudinem assumatur, vel adeo lata, vt fracturam per quattuor digitorum spatium superet, atq; per sui latitudinem excedat multis capitibus fulcitam à quibus membrum modice deuinctum atque arctum teneatur, cui postea ligaturæ articula statim supponatur & si fieri possit non ita sæpe amoueatur. Hac etiam ligatura vti tuto possumus in brachij fractura, supposito semper membrum non esse transossum, & in superiori parte vulnus existere. vbi vero secus se habeat alia incedendum uia, vt puta ferulis præterquam supra vlcus appositis, & si alterum os ex duobus remaneat integrum minori ferularum numero vtendum quando os ipsum integrum ferulæ vicem gerat. Notandum etiam quod ossis frustra ui minime euelli debent à principio sed inchoata tantum suppuratione quia à materierum excretarum copia separatur

separatur membrana perioſtium dicta , & à materia ipſa ad vlceris oſculum ducentur vnde facilior extractio , & tutior . Notandum hoc aliud circa faſciandi modum , quod ſinu uerſus articulum vergente levis faſcia ab articulo ad vlcus ducenda eſt, vt hoc pacto articulum ab occuſu purulentæ materiæ tueamur . Medicamentum vero quod prima facie parandum venit eſt ablumen oui , quemadmodum iam ſancitum eſt, cui puluis boli orientalis, ſanguinis draconis, necnon maſticis, & corallorum rubeorum ſimul commiſceatur ad linimenti formam quod ſupra latam placentulam totum membrum ambientem extendatur, & circiter vlceratam partem diù ſeruetur, vſquequo ſcilicet quarta ſit tranſacta atque iterum itere- tur oſſis fracturam reſpiciendo, vel ſi nolumus tale appone- re medicamentum ſimile illi componatur, vel album vn- guentum quod ab Hippocrate recipitur aliquando. amo- ſa ſtupa ab vlcere noſtro ſupraſcripto, medicamento vtē- dum cenſeo, neque aliquem deterreri oportet dicentem talium medicamētorum vſum propter oſſis ſubſtantiam, & detectam, & læſam non multum conuenire . Quia re- ſpondeo neceſſe eſſe magis in vlcus incumbere quam in os , præterea dico quod medicamento ſupra ſtupam im- poſito in os incumbimus hoc vero vlcus cōtuſum, & igni- tum curamus ita quoque ſæpe ſæpius medicamina adhi- benda erunt necnon bis in die expurgandum eſt quam- uis Hippocraticæ doctrinæ hoc caſu talis medendi mo- dus aduerſari videatur . qui per quietem oſſa iungi vult ſeptima , vel nona die tranſacta quod quidem tempus in tali morbo pro principio habetur, permutandæ ſunt æqui- dem omnes curandi intentiones, & primo de ligatione lo- quens dico faſciam alijs medicaminibus præferri debe- re quoniam ſaniei expellendæ atque vlceri abſtergendo commodior eſſe videtur . Erit igitur ex Hippocrate lib.

de fracturis tantæ longitudinis, vt membrum læsum ab vtroque capite deuincire valeat, & cum circumducta à duobus capitibus esse debeat vlceri vel vbi fractura adfit inchoabit in fascia orificio ad vlceris magnitudinem facta, vel illa supra vlcus cruciatim apposita ita vt vlcus pateat & siqua ossis portiuncula extra vlcus appareat non disrupta, sed corpori suo continuo annexa serrula amoueatur ita enim sumus ab Hippoc. docti lib. citato, & intentio medicamenti permutanda quoniam vlcus id postulat, & affecta sedes aliter indicare videtur propterea, quod os detectum atque fractum maiori exsiccatione opus habet, vt extrema ossa disrupta simul iungi possint unde omnia impedimenta amouenda sunt quare cæfalica cum medicamenti inscriptis tuto commiscetur necnō alicuius medicamenti magistralis Balsami fusius appellati probo; Inscriptio cuius cum non possit non prodesse, & quia hanc à nullo adhuc inscriptam reperi, cum mihi nuperrime tantum data sit describam. Est vero huiusmodi.

Rec. ol. de oliuis lib. 4.

Ol. de Altheæ lib. 1.

Aquæ vitæ onc. iij.

Seminū perforatæ dicte Hypericonis } añ. m. i. iij.

Florum illius

Terebentinæ lib. 1.

Mumiæ electæ

Masticis

Myrrhæ electæ

Ligni aloes

Gummæ citri

Styracis calamitæ

Gummi elemi

} añ.

} añ. drac. vj.

Croci

Croci	} añ. drac. ij.
Belzoini	
Picis colophonix	
Styracis liquidi	
Nucis moschatæ	
Cinamomi	
Gariophylorum	}
Spicæ nardi	

Misce omnia simul puluerizatis puluerizandis & simul mixtis humidis ad ignem vsquequo leuiter ebullierint quo tempore specierum in humidis facienda est infusio, & permittenda vsque ad teporem, vltimo loco ponentur gummata, & ipsa in puluerem redacta. Hoc facto totum medicamentum ad balneum mariæ dictum ebulliendum ponatur, sæpe illud miscendo, & ita permittatur manere per sex horarum spatium, vel alio modo per vasculum vitreum per elambicum extrahatur. & validius erit medicamentum siue dicunt Alchimistæ animâ à corpore separabitur, subtilior nimirum substantia à crassiori quæ sub-

tilior pars cum anima vocetur ob id nobilior altera

& vsui præstantior erit, talique medicamento

in simili casu, & præscripto tempore vten-

dum venit. Hæcque pauca circa cu-

randas fracturas cum vlcere

sufficiant, ad alia enim

conuertenda est o-

ratio mea.



DE SANGVINIS PROFLUVIO.

Cap. XIX.



SANGVINEM à talibus vulneribus emanare posse, contra à nobis supposita, omnibus utique mirum esse debet verum si modus pateat quo sanguis in tali casu fluit, cessabit admiratio. supposuimus nanque igneam vim atque contusionem simul mixtas illas esse quæ sanguinem compescere possint. at si modus, quo tali casu sanguis fluit, perpendatur, videbitur non absque summa ratione factum esse, ut ordine fere præpostero de hoc agamus. sanguis nanque à vulnere à bombardico telo inflictio fluit quamvis ignea vis contusioni commixta sit attamen à vasis, à frustulis ossium disruptis, ac laceratis, vel à corpore aliquo præter pilam in vulnus immisissis, profluit. quod certe non à principio morbi oritur, sed temporis progressu & quando eschara decidit, caroque regeneranda venit. Animaduerendum tamen est circa hoc quod non omnibus vulneratis id accidit, sed ijs tantum quibus vulnera admodum profunda sunt, & ijs qui vulnera magna prope magna vasa infecta habent. Medicamenta ijs vulneribus apta sunt vulneri apponenda. ut primo spongia frigida aqua madefacta, & supra vulnus apposita, vel vice aquæ posca imbuta modo supradictio adhibita. vel vlceri petia lata posca madefacta applicatur per quattuor digitorum spatium à vulnere longinqua. Medicamenta quoque adstringentia, & refrigerantia omni sanguinis fluori conferunt. Sed antequam omnia, vel quæ magis in usu sunt medicamenta proponam signa quibus cognoscimus sanguinem vel à vena

à vena, uel ab arteria fluere sunt describenda quia diuerso ordine medicamenta expetunt. Signa igitur quæ ostendunt sanguinem ab arteria fluere sunt ab Auicenna relata quarta, iij. tractatu secundo cap. xvi. primum quod est quod sanguis exit cum saltu & iaculatione e uena uero sanguis exit non saliendo. Arteriæ item sanguis magis alio purpureus est, & subtilior, uenæ uero crassior atque nigrior est. dignoscitur etiam ex imbecillitate uirium suborta nam qui ab arterijs fluit magis uires prostermit quia spirituosus, a quo uirium ptolapsu maior, & minor prædicendi modus desumitur, quia in tali casu, si sanguis ita profluat, ut conuulsio, aut desipientia suboritur, malum, ex Hippoc. vij. Aphor. aphor. vi. Auicenna uero lib. citato dicit singultum sanguinis profusioni superuenire signum læthale esse. quemadmodum si syncope superueniat mors ægro propinqua est. Notandum tamen ex Galeno v. methodi cap. viij. quod profluuium sanguinis deliquium animi sedat. quod ab Hippoc. desumpsisse uidetur vij. commento in vi. de morbis uulgaribus tamen si animi deliquium, syncope alio modo uocitatum, læue sit, confert sanguinis fluxui. Si uero perduret læthale signum est. Notandum etiam quod propter duri-
tiem suæ tunicæ arteria difficulter glutinatur, uena autē facilius quia eius tunica mollior est, & minus sicca, & ita dicendum de millioribus corporibus, & de siccoribus, & de partibus quæ internarum temperiem sequuntur. Si-
stitur itaque sanguis si labia uulnerata in unum coeant, uel ligatura, uel consuitione qui modi cum in casu isto seruari non possint quia uulnus contusum est ob id omit-
tentur, & ad medicamenta alia est descendendum. quæ igitur sua uisciditate glutinis uicem gerunt tum ad intra tum ad extra apposita conferunt, quemadmodum etiam quæ medicamenta crustam efficiunt laudantur, & ultimo
loco

loco ignis qui aliorum excedit uim atque potentiam si, quo modo administrandus est, administretur. cibaria refrigerantia & sanguinem incrassantia commendantur, demum omnes reuulsiones, & auersiones ut sunt ligaturæ & frictiones ex usu & ratione optimæ sunt. Modo ne quid in hoc tractatu desideretur, & ut tanto symptomati, si fieri possit, occurratur, medicamenta quæ in duplici sūt differentia describam: alia nanque simplicia sunt, alia cōposita. Inter simplicia album oui parum concussum ab Auicenna summis extollitur laudibus, & alijs præfertur. gypsum ablutum, viscus, commune glutinum, volatilī farina, amillum, thus pingue. dragacantum, mastix, bolus orientalis, sanguis draconis, terra sigillata, sarcocolla, & ultimo loco aloes; hæc omnia simplicia sunt per se optima, ut sanguinem sistant, atque compescant. Verum quia alijs, ut puta stercore asinino, mumia, succo centinodiarum, atque plantaginis, una cum oui candido concusso, commisceri possunt, & ita compositum medicamentum formabunt, hoc est quod medicamentum compositum nobis placet appellare, quod affectæ particulæ adhærere per mittitur quousque pus, vel sordes, vel similis aliqua materia per vlcus excerni videantur; quod carnem nouam regenerari in vlcere ostendet, a qua osculum vasis grummi etiam faciunt occludetur, & sanguinis fluor, hoc pacto, frenatus erit. Hæcque de sanguine per talia vulnera fluente curando sint satis cum raro ab eiusmodi vulneribus sanguis emanare videatur.



DE INFLAMMATIONE.

Cap. XX.



QUONIAM vt plurimum fracturis cum
 vlcere inflammatio suboritur, & etiam
 vulneribus quibus immodicum sangui-
 nis profluvium adest non obſtante quod
 dicat Hippoc. ſanguinem à vulneribus
 emanare bonum, quia inflammationem
 tollit non videtur tamen quod loquatur de immoderato
 ſanguinis fluxu à quo cum fiat ſuppreſſio irruentis ſan-
 guinis per vulnus remanet in uia is, qui inflammatio-
 nem in tali affectu procreat. De qua inflammatione
 cum mihi ſit dicendum vt illius curationem tradam cau-
 ſam perquiram, cum itaque inflammatio phlogofiſ dicta
 à ſanguinis fluxione pendeat, quæ vel a ſanguinis copia
 pendet, vel a caliditate inſita illi, ſuppoſitis cohibenda at-
 que intercipienda eſt talis fluxio, vel repellenda per eadẽ
 met uafa adſtringentibus atque refrigerantibus, uel alio
 ſanguinis rurfus reuellendus, at quia de instrumentis id
 efficientibus ſatis iam pertractatum eſt ad localia deue-
 niendum. Duo itaque erunt tantum quemadmodum a-
 lia medicamentorum genera, aliud ſimplex, & aliud com-
 poſitum, prout magis morbus dolendò inſtabit. Simpli-
 cia erunt ſuccus plantaginis, ſuccus malorum puniceorũ
 acidorum, vinum auſternum, ſucco ſolatri, oleum roſatũ
 omphacium, & alia eiufdem generis. Compoſita vero
 erunt emplaſtra ex maluis, violis, roſis, cum oleo roſaceo,
 vitello oui, & vitellum oui cum oleo roſaceo per ſe etiam
 valet panis quoque in uaccino lacte coctus parti inflam-
 mationem patienti apponitur ſape permutando. deniq;
 unguentum album Pauli cum oui albo, vel alicuius ſucci
 herbæ

herbæ refrigerantis succo ablutum ualere dicitur. & quia paucam hanc medicamentorum sylum inflammationi satisfacere posse credo hoc unum tantum dicam, quod suppuratio superueniens vlceribus vbi inflammatio adfit maxime confert. Hocque de inflammatione relicto sermone ad erysipelatis curam me transfero.

DE ERYSIPELATE.

Cap. XXI.



ERYSIPELAS ubi ulcus ipsum tenet atque circum iacentes partes occupat, primo uidendum est an simplex, an sanguini commixtum sit. Accidit enim aliquando, ut simul tales humores commisceantur. & quamuis scopus iste curandi parum ab altero proposito scopo differat, & præcipue in localium medicamentorum appositione, nihilo tamen minus propter suborturos alios prauos affectus ob non rectam curationem erysipellati adhibitam, talis cognitio necessaria est. Vnum tamen adnotabo, quod Galenus secundo ad Glauconem de tumoribus pertractans de erysipelate ab vlcere excitato, prius illud scarificari imperat, ut tenuis humor per ulcus euacuetur, demum cataplasma adhibet a quo crassa materia & loco affecto infecta euacuatur. Videtur nanque Galenus uelle & supponere humorem tenuem per vlcus euacuari posse. crassum vero minime, sed per cataplasma dissoluendum esse. Alterum est quoque notandum maxime ad curationem faciens, & hoc est quod Galenus medicamenta localia erysipelas curantia refrigerare, & humectare debere tenet; in

in cura vero Herpetis eadem medicamenta similia curationi erysipelatis esse tradit, cum vero ad affectū particulæ ab herpete locum descendit, quasi si permutasset intentionem, refrigerantia vna cum adstringenti qualitate commixta enumerat, cum superius in curando erysipelate refrigerantibus & humectantibus vtatur. Vnde laſucam enumerat, polygonum, lentes palustres, semperuium, portulacā & similia quæ refrigerare, & humectare possunt, quod & Paulus voluisse visus est lib. iij. vbi ait, erysipelata refrigerantibus, & humectantibus indigere. Itidem Rasis dixit lib. diuisionum cap. de apostematibus calidis. Auicenna vero fen. iij. lib. iij. cap. v. erysipelatis curationem pertractans refrigerandum cum ijs quæ vehementer adstringunt esse ait, quæ sententia e directo Galeno contradicere videtur. Nisi hoc modo tueatur se Auicenna quod Galenus & ipse erysipelata curari vult prout eandemmet naturam sapiunt, & ab eadem materia fere excitata sint ambo. Nihilominus tamen in curando herpete, Galenus vtitur humectantibus & adstringentibus, & vt causæ calidæ nimirum à bile excitatæ occurrat, humectando, exsiccando. autem, vlceri opitulatur, atque opem ferat. Auicenna vero in erysipelate curando, refrigerando materiæ calidæ aduersatur, adstringendo autem magis fluxionem coercet, atque impedit. In hoc vero conueniunt omnes quod in erysipelata alius sit purganda, in inflammatione vero potius mittendus sit sanguis. Erysipelas pro sui effugatione frigidis, & humidis medicamentis indigere, pro sui causa vero tollenda, quæ fluxio est, frigida & adstringentia exposcere. Hæc vero circa erysipelatis curationem breuiter, & ex abrupto tradidimus, cum tumores nunc curare non proposuerimus, sed de his tanquam per accidens loquuti simus.

DE HERPETY M CYRA.

Cap. XXI.



HERPETY à materia flaua bile dicta, procreari ex Galeno ij. ad Glauconem facile constat. cuius differentiarum tres existunt. Prima est quando bilis à sanguine secreta, & crassior reddita partem aliquam vsque ad subiectam carnem exulcerat, atque depascitur. & hoc herpetis genus exedens, atque estrominos nuncupatur. Secunda differentia est, quando bilis tenuior cum sit cutis superficiem solam adrit atque depascitur. & herpetis genus istud simplex dicitur. Si vero bilis hæc minus acris sit alijs & calida, quasdam postulas paruulas excitat in summa cute, milio similes, & miliaris herpes nominatur. Nulli itaque mirum videri debet si Galenus loco citato herpeti eandem curatio nem cōuenire vult, quam erysipelati satisfacere dicebat, bilem nimirum expurgantem atque educentem. Differt tamen illorum curatio per apposita localia, tum ratione causæ, tum ratione exulcerationis, vt iam dictum est. fuit nanque Hippoc. sententia, quod herpes maiorem siccitatem alijs inflammationibus expetant, vnde in inijs folijs rubi, & folijs rubi canini vtendum monet. Capreoli quoque vitium, necnon arnoglossi germina, idest plantaginis, quibus lens cocta quandoque cum melle admiscetur, aliquando mel & farina hordeacea necnon etiam suprascripta emplastra valent detractio ab eis semper uiuo, quia multum humectat. Exulceratæ vero partes medicamentis à Galeno in lib. de compositione medicamentorum per genera enumeratis inungendæ sunt,

quæ

quæ dum vsus efflagitat sunt diluendæ, aut tenui uino albo modice adstringenti. Notandum tamen est quod euacuatio in tali casu est necessaria, vt nihil magis. quemadmodum Galenus refert in xiiij. methodi cap. x. quo in loco cuiusdam Matronæ Romanæ historiam narrat, quæ cum purgari nollet herpete in talo laborans, medicamentum quod algam recipit vsa dum vlcus sanatum esset, proxima tamen illi vlceri cutis vlcerabatur, quæ & ab appposito medicamento sanabatur, & supra iterum vlcere excitato reuertebatur, & ita assidue perexit donec exulceratio ad genu peruenit. quæ mulier postmodum purgata medicamento bilem educente conualuit. Nos vero seri vaccini lactis vsus laudamus cui diagridium commisceatur vtputa si assumatur infra scripta potio.

Rec. Aquæ casei, seri dictæ, clarificatæ onc.v.

Diagridij pul. gra. viij.

Misce pro potu.

Hoc nanque medicamento vtimur semper uos, permit-
tendo medico ægrum curanti, vt medicamentum immu-
tet illud adaugendo, & diminuendo, prout ipsi videbitur.
Supra partem vero affectam tali vtor medicamento mi-
nori præscripto tam supra petiam illinito quam supra fila-
menta. est autem hoc.

Rec. ol. ros. omphacij } añ. onc.j.
Amigd. dulce }

Vnguenti rosati drac.j.f

Pulu. Præcipitati el. drac. j.

Ceræ nouæ parum.

Misce omnia ad ignem, baculo semper agitando, quo-
usque tepescant, deinde cum aqua solatri diligenter la-
uentur ter, aut quater omnia hæc. & de herpete curando
dicta sufficiant.

DE CVRANDIS OSSIBVS VITIATIS.

Cap. XXIII.



SIGNA, & notæ, quibus ossa corrupta esse cognoscuntur, ex Celso præsertim lib. v. cap. ij. desumuntur, qui artem medicam exacte admodum, & diligenter tradidit. Et primo os quod vitiatum est antequam ex toto vitiatum sit, sit, pingue, secundo nigrum, tertio cariosum euadit, hocque ut plurimum grauibz sponte sua subortis vlceribus, aut fistulis, quæ longa vetustate producta sint accidit, vel etiam cancro, aut gangrenæ occupatis partibus euenit. Verum quia in sclopetorum vulneribus, vbi os fractum est, sæpe sæpius contingit, quod fistulæ cum in thoracis partibus, tum in alijs etiam artuum fracturis suboriantur, atque quod ossa supposita illis non solum propter vlcerum diurnitatem, verum propter talium vulnerum malignitatem, atque totius corporis ægrotantis prauam dispositionem, corrumpantur, propterea illorum curationem breuiter persequemur. Oporter igitur subsecata carne, os ipsum totum, quod laborat, detrudatur, donec sanum pateat, & quod os pingue est ignitis ferramentis aduratur, ita ut satis siccum redditum sit, cum siccum sano ossi propinquius sit, humidum vero nõ sano. Et si pars hoc fieri non patiat, vel nigrum tantum os appareat, abrasorijs scalpris ad ulceris latitudinem aptis ita illud abradere oportet, ut ex abrasione sanguis, vel cruor aliquis emanare videatur. postea nitro in puluerem redacto pars respergenda est. Et quod de osse dictum est, itidem de cartilagine dicendum. Osse albo

appa-

apparente ex nigritie vitium fieri constat, & ex carie soliditas apparens ossis sanitatem adesse ostendit, quem admodum cruor. Notandum tamen non inutile esse si vna, & eadem die quo facta vlceris dilatatio fuerit, ambustio quoque, vel abrasio fiat. quam ambustionem Instru-
mentis potius acutis, quam la-
tis moliendam esse cre-
do; vt scilicet pro-
fundam ossis
cariam
prosequi possint. Hęc pauca sunt,
quę circa horum vulnerum
curam volui di-
xisse.

F J N I S.



INDEX CAPITVM.



Præfatio

E proposito affectu prima sententia. Cap. I. fac. 1.

Secunda sententia. cap. 2. 3

Propria sententia. cap. 3. 4

De signis horum vulnerum. cap. 4. 8

De affectibus simul compositis. cap. 5. 9

Curatiua intentiones depromuntur. cap. 6. 10

De prognostico. cap. 7. 12

De horum vulnerum cura. cap. 8. 13

De purgandi ratione. cap. 9. 19

Cura horum vulnerum prima die transacta traditur. cap. 10. 21

De ulceris curatione transacta nona. cap. 11. 24

De ulceribus qua difficulter cicatricem admittunt. cap. 12. 28

De ulcere consumaci & rebelis curatio. cap. 13. 32

De sinuoso ulcere atque sinuoso. cap. 14. 35

De capitis vulneribus. cap. 15. 39

De thoracis vulneribus. cap. 16. 44

De abdominis vulneribus. cap. 17. 50

De fracturis ossium artuum cum ulcere. cap. 18. 54

De sanguinis profluvio. cap. 19. 60

De inflammatione. cap. 20. 63

De erysipelate. cap. 21. 64

De herpetum cura. cap. 22. 66

De curandis ossibus visitatis. cap. 23. 68


F I N I S.





















CC-BY-NC-ND 4.0